

景德傳燈錄

二十五之七

			三	漢
		九	三	書
		三	一	門
四	四	五	一	類
冊	架	函	號	

內閣文庫			
三		三	漢
〇		三	書
函		三	門
一		一	類
四	四	一	
架	冊	號	

內閣文庫			
番號	漢	3331	
冊數	14 ( 13 )		
函號	別	64	10



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM: Kodak



名於言未有箇會處良由究盡諸法根蒂始會一言不是一言半  
句思量解會喚作一言若會言語道斷心行處滅始到古人  
境界亦不是閉目藏睛暗覩無所見喚作言言語道斷且莫賺  
會佛法不是遮箇道理要會麼假饒經塵沙劫說亦未曾  
有去始得若如是斟酌名言空勞心力並無用處與諸上座  
會去始得

傳燈 卅五之七



景德傳燈錄卷第二十五

吉州青原山行思禪師第九世上

金陵清涼文益禪師法嗣上三十人

天台山德韶國師

漳州羅漢知依大師

金陵報恩匡逸禪師

漳州羅漢守仁禪師

梧州黃山良匡禪師

金陵報恩玄則禪師

金陵淨德智筠禪師

金陵清涼泰欽禪師

金陵報恩法安禪師

雲居清錫禪師

杭州報恩寺慧明禪師

金陵章義道欽禪師

金陵報慈文遠導師

杭州永明寺道潛禪師

杭州靈隱清傑禪師


金陵報慈行言導師

高麗道峯慧炬國師

杭州寶塔寺紹巖禪師

杭州崇壽契摑禪師

洪州百丈道常禪師



天台般若敬遵禪師

洪州同安紹顯禪師

洪州觀音從顯禪師

常州正勤布奉禪師

洪州新興齊禪師

青原行思禪師第九世上

金陵清涼文益禪師法嗣

廬山歸宗策真禪師

廬山棲賢慧圓禪師

廬州長安延規禪師

洛京興善棊倫禪師

潤州茲雲匡達禪師

已上三寸人見錄

天台山德韶國師處州龍泉人也俗姓陳氏母葉氏夢白光觸體因而有娠及誕尤多奇異年十五有梵僧勉令出家十七依本州龍歸寺受業十八納戒於信州開元寺梁開平中遊方詣投子山見大同禪師乃發心之始次謁龍牙道和尚問雄雄之尊為作麼近之不得龍牙曰知火與火曰忽遇水來又作麼生龍牙曰汝不會師又問天不蓋地不載此理如何龍牙

曰合如是師不喻言再請垂誨龍牙曰道者汝向後自會去次問疎山曰百巾十重是何人境界疎山曰左搓芒繩縛鬼子師進曰不落古今請師說曰不說師曰為什麼不說曰今中不辨有無師曰師今善說疎山駭之師如是應參五十四善知識守法緣未契最後至臨川謁淨慧禪師淨慧一見深器之師以徧涉叢林亦倦於參問但隨眾而已一日淨慧上堂有僧問如何是曹源一滴水淨慧曰是曹源一滴水僧惘然而退師於坐側豁然開悟平生疑滯渙若冰釋遂以所悟問于淨慧淨慧曰汝向後當為國王而師致祖道先大吾不知也自是諸方異僧玄鍵與之決擇不留微迹尋迴本道遊天台山觀智者顛禪師遺蹤有若舊居師復與智者同姓時謂之後身也初止白沙時吳越忠懿王以國王子刺台州駕師之召延請問道師謂曰他日為霸王無佛恩漢乾祐元年戊申王嗣國位遣使

迎之弟子之禮有傳天台智者教義寂者屢言于師曰  
智者之教年祀綿遠慮多散落今新羅國其本甚備自  
和尚慈力其孰能致之乎師於是開于忠懿王王遣使及齋師  
之書往彼國繕寫備足而回迄今盛行于世矣師上堂曰古聖  
方便猶如何沙祖師道非風幡動仁者心動歎乃無上心印  
法門我輩是祖師門下客合作麼生會祖師意莫道風幡  
不動汝心妄動莫道不撥風幡就風幡通取莫道風幡動處  
是什麼有云附物明心不須認物有云色即是空有云非風幡  
動應須妙會如是解會與祖師意言有何交涉既不許如是  
會諸上座便合知悉若於遮裏徹底悟去何法門而不明百十  
諸佛方便一時洞了更有什麼疑情所以古人道了十明一  
迷萬惑上座豈是今日會得一則明白又不會也莫是有亦向  
上事難會有一分下劣凡夫不會如此見解設經摩劫只自勞

斯

神之思無有是處僧問諸法寂滅相不可以言宣和尚如何  
久師曰汝到諸方更問一編曰怎麼即絕於言句去也師曰夢  
裏惺惺問櫓棹俱停如何得到彼岸師曰慶汝平生問如何  
是三種病人師曰恰問著問如何是古佛心師曰此問不弱問  
如何是六相師曰即汝是問如何是方便師曰此問甚當問亡  
僧遷化向什麼處去也師曰終不向汝道曰為什麼不向某甲  
道師曰恐汝不會問一花開五葉結果自然成如何是一花開  
五葉師曰此出解明曰如何是結果自然成師曰天地縱然問  
如何是無憂佛師曰愁殺人問一切山河大地從何而起師曰此  
問從何而來問如何是數起底心師曰爭諱得問如何是第  
二月師曰來處甚分明曰為什麼不會師曰喚什麼作第二月  
問如何是沙門眼師曰黑如漆問絕消息時如何師曰謝  
指宗問如何是轉物即同如來師曰汝喚什麼作物曰怎麼

即同如來也師曰莫作野干鳴問那此太子折肉還世和骨還  
交然後於蓮華上為父母說法未審如何是太子身師曰大  
家見上座問曰徒麼即大千同一真如性也師曰依佛似曲才  
堪聽又被吹將別調中問六根俱泯為什麼理事不明師曰  
何處不明曰徒麼即理事俱如也師曰前言何在師有時謂  
衆曰大凡言句應須絕滲漏始得時有僧問如何是絕滲漏  
底句師曰汝口似鼻孔問如何是不證下法師曰待言語在曰如  
何是證諸法師曰醉作麼師有時謂衆曰只如山僧徒麼對  
他諸上座作麼生體會莫是真實相為麼莫是正徒麼時  
無一法可證麼莫是識伊來處麼莫是全體顯露麼莫錯  
會好如此見解與作依草附木與佛法天地懸隔假饒答  
話簡辭如縣河只成得箇顛倒知見若只貴答話辭辭有  
什麼難但恐無益於人翻成賺悞如上座從前所學簡辭問

事

答記持說道理極少為什麼心疑不息聞古聖方便持地  
不會只為多虛少實上座不知從脚跟下時觀破看是什  
麼道理有多少法門與上座作疑求解始知從前所學底  
事只是生死根源陰界裏活計所以古人道見聞不脫如  
水裏月無珍重師有偈示衆曰通玄峯頂不是人間心  
外無法滿目青山師後於般若寺開堂說法十二會第一會  
師初開堂日示衆云一毛吞海性無虧纖芥投鋒鋒利無動  
見與不見會與不會唯我知吾乃有頌曰暫下高峯已顯  
揚般若圓通遍十方夫浩浩無差別法界縱橫處處彰珍  
重師昇堂日有僧問承古有言若人見般若即被般若縛若人  
不見般若亦被般若縛既見般若為什麼却被縛師云你道  
般若見什麼學云不見般若為什麼却被縛師云你道般若什  
麼處不見又云若見般若不名般若不見般若亦不名般若般

若且作麼生說見不見所以古人道若欠一法不成法身若乘一法不成法身若有一法不成法身若無一法不成法身此是般若之真宗諸上座又僧問乍離礙峯丈室來坐般若道場今日家風請師百師云勸汝什麼處學云怎麼即雷音震動乾坤地欠無不盡雷恩師云幸然未會且莫探頭探頭即不中諸上座相共證明令法久住國土安樂珍重第二會師上堂有僧問承教有言歸源性學一方使有多門如何是歸源性師云你問我答學云如何是方便門師云你答我問學云如何趣向師云顛倒作麼又僧問一身即無量身無量身即一身如何是無量身師云一身學云怎麼即昔日靈山會來親觀師云理當即行又云三世諸佛一時證明上座上座且作麼生會若會時不遷無絲毫可得移易何以故為過去未來現在三際是上座上座且非三際淨寂大海滴滴皆滿塵空性

法界全收珍重第三會師上堂有僧問四衆雲集人天恭敬目觀尊顏願宣般若師云分明記取學云師宣妙法國王萬歲人民安樂師云誰向你道學云法爾知然師云你靈利又僧問三世諸佛不知有狸奴白牯却知有既是三世諸佛為什麼却不知有師云却是你知有學云狸奴白牯為什麼却不知有師云你什麼處見三世諸佛又僧問承教有言眼不見色塵意不知諸法如何是眼不見色塵師云却是耳見學云如何是意不知諸法師云眼知學云怎麼即見聞路絕聲色喧然師云誰向你道又云夫一切問答如針鋒相投無纖毫參差相事無不通理無不備良由一切言語一切三昧橫豎深淺隱顯去來是諸佛實相門只據如今一時驗取珍重第四會師上堂舉古人云如何是禪三界綿綿如何是道十方浩浩因什麼道三界綿綿何處是十方浩浩底道理要會麼塞却眼塞却耳塞却舌身意

無空闕處。無轉動處。上座作麼會。橫亦不得。豎亦不得。縱亦不得。奪亦不得。無用心處。亦無施設處。若如是會得。始會法門。絕擇一切言語。絕滲漏。曾有一僧問。作麼是絕滲漏底語。向他道。口似鼻孔。甚好。上座如此會。自然不通風去。如識得。盡十方世界。是金剛眼睛。無事。珍重。第五會。師上堂。有僧問。云。天下太平。太王長壽。如何。是王師。云。日曉月明。學云。如何。頌會。師云。誰是學人。又云。天下太平。太王長壽。國土豐樂。無諸患難。此是佛語。古不易。今不遷。丁言。可以定。古定。今會。取好。請上座。又僧問。承古有言。有物。先天地。無形本寂。如何。是有物。先天地。師云。非。同合。學云。如何。是無形本寂。師云。誰問。先天地。學云。徒麼。即隨。靜林。問。獨自遊。師云。亂道。作麼。又云。佛法。不是。底个。道理。要會。麼。言。發。非。聲。色。前。不。物。始。會。天下太平。太王長壽。久立珍重。第六會。師上堂。示象云。佛法現成。巧具足。在。人道。圓。

同太虛。無以。無餘。若如是。且誰。欠。誰。刺。誰。是誰。非。誰。是。會。者。誰。是不會者。所以道。東去。亦是上座。西去。亦是上座。南去。亦是上座。北去。亦是上座。上座。因什麼。得成。東西南北。若會得。自然見。聞。覺。知。路。絕。一切。諸法。現前。何故。如此。為法身。無相。觸。目。皆。形。般。若。無知。對。緣。而。照。一時。徹。底。會。取。好。諸上座。出家。兒。合作。麼。生。此。是本。有。之。理。未。為。分。外。識。心。達。本。源。故。號。為。沙。門。若。識。心。皎。皎。地。實。無。絲。毫。障。礙。上座。久立。珍重。第七會。師上堂。有僧問。欲入。學。為。海。師。云。且。會。般。若。船。如何。是般。若。船。師云。常。無。所。住。如何。是。行。路。如何。是。登。天。不。借。梯。師云。不。遺。絲。髮。地。學云。如何。是。徧。地。無。行。路。師云。適。來。向。你。道。什。麼。師又云。百。十。三。昧。門。百。十。神。通。門。百。十。妙。用。門。盡。不。出。得。般。若。海。中。何。以。故。為。於。無。住。本。建。立。諸。法。所以。道。生。滅。去。來。邪。正。動。靜。十。變。萬。化。是。諸。佛。不。定。



和尚下昔日記  
葉四子

致下一字了

心作非心

門過於此諸上座大家究取增於佛法壽命珍重第<sub>六</sub>會師  
 上堂有僧問世尊有正法眼什處摩訶迦葉只如迦葉在賓鉢  
 羅密未審付屬何人師云教我向誰說學云恁麼即靈山付  
 屬不異今日師云你什處見靈山又僧問淨慧寶印和尚  
 親傳未審今日一會當付何人師云鼓冬鼓頭打兩頭鳴學  
 云恁麼即十聖同傳古今不異師云禪河浪靜尋水迷源又  
 僧清遇云帝王請命師赴王恩般若會中請師舉唱師云分  
 明記取學云恁麼即雲臺寶網同演妙音師云清遇何在學  
 云法法王法如是師云何誰證明又云靈山什屬分明諸上座特  
 驗取若驗得更無別理只是如今譬喻如大虛日明雲暗山河大地  
 一切有為世界悉皆明現乃至無為亦復如是世尊付囑迄至  
 于今並無絲毫差別更付何誰所以祖師道心自本來心本心  
 非有法法法有本心悲非本法此是靈山何囑傍樣諸上座

麼下有生

徹底會取好莫虛度時光國王恩難報諸佛恩難報父母師長  
 恩難報十方施主恩難報況建置如是次第佛法興隆若非國  
 王恩力焉得如此若要報恩應須明徹道眼入般若性海始得  
 久立珍重第<sub>九</sub>會師上堂有僧問承先德云人空法亦空二相本來  
 同如何是二相本來同師云山河大地學云不會乞師方便師云  
 什麼處是不方便處又僧問承教有言心清淨故法界清淨如  
 何是清淨心師云迦陵頻伽共命之鳥學云心與法界是一是  
 二師云你自問別人問師又云大道廓然詎齊今古無名無  
 相是法是修良由法界無邊心亦無際無事不彰無言不顯如  
 是會得喚作般若現前理極同真際一切山河大地森羅萬象  
 牆壁瓦礫並無絲毫可得虧礙無事久立珍重第<sub>十</sub>會師上  
 堂有僧問承師有言九天擎玉印七佛兆前心如何是印師云  
 不露文如何是心師云你名安嗣又云法界性海如何蓋如

鉤如鑠如金與金色位位皆齊無纖毫參差不相混濫非  
異非同非別若歸實地去法法皆到底不是上來問箇如何若  
何便是不問時便非在長連牀上坐時是有不坐時是無只如  
諸方老宿言教在世如恒河沙如來一大藏經卷卷皆說佛理  
句句盡言佛心因什麼得不會去若一曰織絡言教意識解會  
既上座經塵沙劫亦不能得徹此喚作顛倒知見識心治計並  
無得力處此蓋為根脚下不明若究盡諸佛法源何沙本藏  
一時現前不欠絲毫不到絲毫諸佛時常出世時常說法度  
人未曾問歇乃至猿啼鳥叫草木叢林常助上座發機未有  
一時不為上座有如是奇特處可惜許諸上座大家究取念法  
久住世間增益人天壽命國土安樂無事久立珍重第十一  
會師上堂舉古人云吾有一言天上人間若人不會綠水青山  
作麼生是一言底道理古人語須是曉達始得若是將言而

名於言未有箇會處良由究盡諸法根蒂始會一言不是言半  
句思量解會喚作一言若會言語道斷心行處滅始到古人  
境界亦不是閉目藏睛暗觀魚所見喚作言語道斷且莫賺  
會佛法不是遮箇道理要會麼假饒經塵沙劫說亦未曾  
有半句到諸上坐經塵沙劫不說亦未曾欠半句應須徹底  
會去始得若如是斟酌名言空勞心力並無用處與諸上座  
相共證明後學初心速須究取久立珍重第十二會師上堂  
有僧問觸躡常于世界鼻孔摩觸家風如何是觸躡常于世  
界師云更待答話在學云如何是鼻孔摩觸家風師云時復  
舉一編又僧問一人執炬自盡其身一人抱來橫屍於路此二人阿誰  
辨道師云不遺者學云不會乞師指示師云你名敬新學云未  
審還有人證明也無師云有學云什麼人證明師云敬新證  
明又僧問牛頭未見四祖時如何師云異境靈蹤觀者皆羨

敲下有敲

作作你

僧又云見後如何師云適來向你道什麼又僧問承言有言敲  
 打虛空鳴磬石人木人齊應諾示月降雪落紛紛此是如來  
 本圓覺如何是敲打虛空底師云自此為奴若鐵務打棒行  
 步學云恁麼即石人木人齊應諾也師云作還聞麼又云諸佛  
 法門時常如是譬如大海千波萬浪未曾暫住未嘗暫有未  
 嘗暫無浩浩地光明自在宗三世於一毛端圓寂於一念應須  
 徹底明達始得不是問一則語記一轉話作道理風雲水月  
 四六心對便當佛法莫自嫌諸上座究竟無益若徹底會去  
 實無可隱藏無刺不軟無塵不現直下凡夫位齊諸佛不用  
 纖豪氣力一時會取好無事久立珍重開寶四年辛未華頂  
 西峯忽推聲震下山師曰吾非久矣明年六月大星隕于峯頂  
 林木變白師乃示疾於蓮華峯參問如常二十八日集眾言別  
 跡跌而逝壽八十二臘六十五

敲若角切當作敲打頭也

杭州報恩寺慧明禪師姓蔣氏幼出家三學精練志探玄旨  
 乃南遊於閩越間歷諸禪會莫契本心後至臨川詔淨慧禪  
 師師資道合尋回鄞水大梅山庵居時吳越部內禪學者雖  
 盛而以云沙正宗置之閩外師欲整而道守之百有二禪客到  
 師問曰上座離什麼處曰都城師曰上座離都城到此則都城  
 少上座此山剎上座剎則僧外有法世則心法不周孰得道耶  
 住不會即去其二禪客不能對新到僧問如何是大梅主師曰  
 聞梨今日離什麼處僧無對師尋遷於天台山白沙卓庵時有  
 朋房上座博學強記來訪師論宗乘師曰言多去道遠矣  
 今有事借問只如從上諸聖及諸先德還有不悟者也無朋房  
 曰若是諸聖先德豈有不悟者哉師曰入發真歸元十方虛  
 空悉皆消殞今天台山巖然如何得消殞去朋房不知所措白  
 是世宗汎學來者皆服膺矣漢乾祐中吳越忠懿王延入

引亡余切  
息也七也  
止也安也七也

王府問法命住資崇院師盛談玄沙宗一大師及地藏法眼宗  
 百臻極王因命翠巖今三諸禪匠及城下名公定其勝真  
 天龍禪師問曰一切諸佛及佛法皆從此經出未審此經從何而  
 出師曰道什麼天龍方再問師曰過也資巖長老問如何是  
 現前三昧師曰還聞麼曰某甲不患聾師曰果然患聾師舉  
 雪峯塔銘問老宿云夫從緣有者始終而成壞非從緣有者歷  
 劫而長堅堅之與壞即且置雪峯只今在什麼處法眼別云只今是成是壞衆皆無  
 對設有對者亦不能當其徵詰時羣彥研伏王大悅命師居之  
 署圓通普照禪師師上堂謂衆曰諸人還安得麼莫道語  
 默動靜無非佛事好且莫錯會僧問如何是祖師西來意  
 師曰汝還見香臺麼曰某甲未會乞師指示師曰香臺也不  
 識問離却目前機如何是西來意師曰汝何不問曰怎麼即委  
 是去也師曰也是虛施問如何是佛法大意師曰我見燈明佛

本光瑞如此問如何是學人自己師曰特地申問是什麼意問如  
 何是西來意師曰十萬八千真跋涉直下西來不到東問如何  
 是第二月師曰捏目看花花數朵見精明樹幾枝枝

常則羅漢宣法大師智依師上堂曰盡十方世界無一微塵許法  
 與汝作見聞覺知還信麼然雖如此也須悟始得莫將爲等  
 閑不見道單明自己不悟目前此人只具一隻眼還會麼僧問  
 鐵塵不立爲什麼好現前師曰分明記取別處問人問大衆  
 雲集誰是得者師曰還曾先麼問如何是佛師曰汝是行脚  
 僧問如何是寶壽家風師曰一任觀看曰怎麼即大衆有賴  
 師曰汝作麼生曰終不敢謾大衆師曰鍊少作麼師問僧受業  
 在什麼處曰在佛迹師曰佛在什麼處曰什麼處不是師舉起  
 拳曰作麼生曰和尚收取曰放閣架七棒師問僧今夏在什麼  
 處曰在學言上座處師曰還曾問訊他否曰也曾問訊師曰

言作麼生問得曰若得無言什麼處不問得師喝之曰恰似問  
 老兄師與彦端長老喫餅飲徒端曰百種千般其體不二師曰作  
 麼生是不二體端抬起餅飲師曰只者百種千般端曰也是和  
 尚見處師曰汝也是羅公詠梳頭樣師將示滅乃謂衆曰今  
 晚四大不和暢雲騰鳥飛風動塵起浩浩地還有人治得麼  
 若治得來却不相識若治不得時時常見我言訖告寂  
 金陵鍾山章義禪師道欽太原人也初住廬山棲賢師上堂曰  
 道遠乎哉觸事而真聖遠乎哉體之則神我尋常示汝何  
 不向衣鉢下坐地直下參取要須上來計箇什麼既上來我即事  
 不獲已便舉古德少許方便拈撒些子龜毛兔角解落諸上  
 座欲得省要麼僧堂裏三門下察令裏參取好還有會處  
 也未若有會處試說看與上座證明僧問如何是棲賢境師  
 曰棲賢有什麼境問古人拈推豎拂還當宗乘中事也無

師曰古人道了也問學人創入叢林乞和尚指示師曰平指天  
 一手指地江南國主請師居章義道場示衆曰揔來遮裏立作  
 什麼善知識如何沙數常與汝爲伴行住坐卧不相捨離但長  
 連牀上穩坐地十方善知識自來參上座何不信取作得知許多  
 難易他古聖嗟見今時人不奈何了乃曰傷夫人情之惑久矣目  
 對真而不覺此乃嗟汝諸人看却不知且道看却什麼不知何  
 不體察古人方便只爲信之不及致得如此諸上座但於佛法  
 中留心無不得者無事體道去僧問如何是西來意師曰不東  
 不西問百年暗室一燈能破時如何師曰莫謾語問佛法還受  
 變異也無師曰上座是僧問大衆雲集請師舉揚宗旨師  
 曰久矣問如何是玄旨師曰玄有什麼二日  
 金陵報恩匡逸禪師明州人也初住潤州慈雲江南國主請  
 居上院署密禪師一日上堂衆集師顧視大衆曰依而行

之即無累矣。還信麼？如太陽赫奕，皎然地更莫思量。思量不及，設爾思量得及，喚作分限智慧。不見先德云：人無心合道，道會無心合人。道既合是名無事，人且自何而凡自何而聖？此若未會也。只為迷情所覆，便去不得。迷時即有箇礙，為對為待，種種不同。忽然悟去，亦無所得。譬如演若達多，認影為頭，豈不是擔頭覓頭？然正迷之時，頭且不失，及乎悟去，亦不為得。何以故人迷謂之失，人悟謂之得？得失在於人，何關於動靜？僧問：諸佛說法，普潤羣機。和尚說法，什麼人得聞？師曰：只有汝不聞。問：如何是報恩一句？師曰：道不是得底。問：十二時中，思量不到處，如何履師曰：汝如今在什麼處？問：祖師西來，如何舉唱？師曰：不違所請問。如何是一句？師曰：我若爭似汝舉問。佛為一大事，因緣出世，未審和尚出世如何？師曰：恰好曰：恁麼即大衆有賴。師曰：莫錯會金陵報慈道場文遂導師。杭州人也。姓陸氏，乳抱中父母從家。

終

十宣城繞卅歲，挺然好學。乃禮池州僧正落髮，登戒年十六。觀方禪教，俱習音究。首楞嚴經十軸，既就誦，十淨慧禪師述已所業。於是節科注釋文句，交終厥功。既就誦，十淨慧禪師述已所業。深符經二日，淨慧問曰：楞嚴豈不是有八還？義師曰：是曰明還。什麼師曰：明還日輪，曰：還什麼？師憤然無對。淨慧誠令焚其所注之文。師自此服膺請益，始忘知解。初住吉州止觀院。乾德二年，國主延入居長慶。次清涼，次報慈，大道場署雷音。覺海大導師禮待異乎他等。師上堂，謂衆曰：天倉子牛類，皆承此恩力。威權三界，德被四生。若稟靈光，咸稱妙義。十方諸佛，當頂戴汝。誰敢是及乎？向這裏，喚作開方便門。對根設教，便有如此。如彼流出，無窮若能依而奉行，有何不可。所以清涼先師道佛，即是無事人。且如今覓箇無事人，也不可。得曾問崇壽佛法，什囑止觀止觀佛法，什囑何人。師曰：汝

手作卷

試舉宗壽佛法看問巖出巖崖還有佛法也無師曰汝笑  
 什麼作巖出巖崖問如何是道師曰妄想顛倒師謂眾曰  
 老僧平生百無所解日日一般雖住此間隨緣任運今日諸上  
 座與本無異僧問如何是無異底事師曰十老萬別僧再問  
 師曰止止不須說且會取十老萬別問如何是和尚家風師  
 曰方丈板門扇問如何是無相道場師曰西郎五郎廟問如  
 何是吹毛劍師曰鋒麴杖問如何是正直一路師曰遠處近  
 曰便待麼去時如何師曰咄哉癡人此是險路師問僧從什麼  
 處來曰揚州曹山來師曰幾程到此曰七程師曰行却許多山  
 林豈問何者是汝自己曰總是師曰眾生顛倒認物為己曰  
 如何是學人自己師曰總是師又曰諸上座各在牛觀經及過  
 夏還有人悟自己也無止觀與汝證明令汝真見不被邪魔所  
 惑問如何是學人自己師曰好箇師僧眼目甚分明

漳州羅漢院守仁禪師州未春人也初參淨慧後迴故郡  
 止東安興教寺上方院示眾曰只據如今誰欠誰剩然雖如此  
 猶是第二義門上座若明達得去也且是一是二更須子細看僧  
 問如何是祖師西來的的意師曰即今是什麼意問如何是涅槃  
 師曰生死曰如何是生死師曰適來道什麼僧眾晚參  
 師謂眾曰物物本來無處所一輪明月印心池便歸方丈師次  
 住漳州報恩院謂眾曰報恩遮裏不曾與人揀話今日與諸  
 上座揀一兩則話還願樂麼諸上座鶴脰長息脰短耳草餅  
 黃蘗苦恁麼揀辨還恁雅意麼諸上座莫道血脈不通泥水  
 有隔好且莫錯會珍重僧問如何是西來意師曰喚什麼作  
 西來意曰恁麼即無西來也師曰由汝口頭道問如何是報恩  
 家風師曰無汝著眼處問學人未委稟承請師方便師曰莫  
 相孤負麼曰恁麼即有師資之分也師曰叢林見多問如何

是佛法大意師曰向汝道什麼問如何是無生之相師曰捨身  
受身曰怎麼即生死無過也師曰料汝怎麼會師又曰人人皆  
備理二盡圓常問如何是圓常之理師曰無事不參老曰  
怎麼即縱橫法界也師曰巧道有何難問如何是不到三  
師曰汝問我答師問僧什麼處來曰福州來師曰既涉如許  
多山嶺阿那箇是上座自己曰某甲親離福州師曰怎麼箇  
量別有高量曰更作麼生商量師曰汝話隨也問不味緣塵  
請師一接師曰喚什麼作緣塵僧曰若不伸問焉息疑情  
師曰若不是今日便作官方  
杭州永明寺道潛禪師河中府人也姓武氏初詣臨川謁淨  
慧禪師一見異之便容个室一日淨慧問曰子於參請外看什  
麼經師曰看華嚴經淨慧曰忽別同異成壞六相是何門撰  
屬師對曰文在十地品中據理則世出問一切法皆具六相

曰空還具六相也無師惜然對淨慧曰子却問吾師乃問曰  
空還具六相也無淨慧曰空師於是開悟踴躍禮拜謝淨慧曰  
子作麼生會師曰空淨慧然空異日因四衆土女入院淨慧問師  
曰律中道隔壁聞風則聲即名破戒見觀金銀合雜朱紫駢  
闐是破戒不是破戒師曰好箇入路淨慧曰子向後有五百毛  
徒而為王侯所重在師尋禮辭駐錫於衢州古寺閱大藏  
經而已後忠懿王錢氏命入府受菩薩戒署慈化定慧禪師  
建大伽藍號慧日永明請居之師曰欲請塔下羅漢銅像過  
新寺供養王曰善矣子昨夜夢十六尊者乞隨禪師舍寺何昭  
應之若是仍於師號加應真二字師坐永明大道場常五百  
衆師上堂謂衆曰佛法顯然因什麼却不會去諸上座欲會佛  
法但問取張三李四教會世法則參取古佛叢林無事久立  
僧問如何是永明的的意師曰今日十五明朝十六日覽師的的



意師曰何處覓問如何是來明家風師曰早被上座答了也問  
三種病人如何接師曰汝是聾人曰請師方便師曰是方便  
問牛頭未見四祖時爲什麼百鳥銜華師曰見東見西曰見後  
爲什麼不銜華師曰見南見北曰昔日作麼生師曰且會今日  
問如何是第二月師曰月問如何是觀面事師曰背後是什  
麼問文殊父劍擬殺何人師曰止止曰如何是劍師曰眼是問  
諸餘即不問向上宗乘亦且置請師不答師曰好箇師僧子  
曰恁麼即禮拜去也師曰不要三拜盡汝一生去一日大眾參師  
指香鑪曰汝諸人還見麼若見時禮拜各自歸堂僧問至道  
無言借言顯道如何見顯道之言師曰切忌揀擇問如何是慧  
日祥光師曰此去報慈不遠曰恁麼則蒙照燭也師曰且喜  
汝交涉

松川黃山良匠禪師吉州人也上當謂衆曰高山頂上座說教無

親

下又綿字

可秘待諸道者唯有金剛眼睛憑助汝發明真心汝若會得能  
破無明黑暗汝若不會真箇不壞便起歸方丈僧問如何是  
黃山家風師曰築著汝鼻孔問如何是物不遷義師曰春夏  
秋冬問如何是一路涅槃門師曰汝問宗乘中一句豈不是曰  
恁麼即不吟吟師曰莫吟吟好問衆皇摸月時如何師曰喚  
什麼作月曰莫即遮箇便是也無師曰遮箇是什麼問明鏡當  
臺森羅爲什麼不現師曰那裏當臺曰爭奈即今何師曰又  
道不現問如何是禪師曰三界餘曰如何是道師曰生浩浩  
杭州靈隱山清聲禪師福州福清縣人也初參淨慧一日淨  
慧指雨謂師曰滴滴落上座眼裏師初不喻言後因閱華  
嚴經感悟承淨慧印可迴止明州四明山卓庵節度使錢億執  
師事之禮忠懿王命於臨安兩處開法後居靈隱上寺署了  
悟禪師師上堂示衆曰十方諸佛常在汝前還見麼若言見將

心見將眼見所以道一切法不生一切法不滅若能如是解諸佛  
常現前又曰見色便見心且喚什麼作心山河大地萬象森羅  
青黃赤白男女等相是心不是心若是心為什麼却成物象去  
若不是心又道見色便見心還會麼只為迷此而成顛倒種種  
不同於無同異中強生同異且如今直下承當頓悟本心自然無  
一物可作見聞若離心別求解脫者古人喚作迷波討源卒難  
曉悟問根塵俱泯為什麼事理不明師曰事理且從喚什麼  
作俱泯底根塵問如何是觀音第一義師曰錯問無明實性  
即佛性如何是佛性師曰喚什麼作無明問如何是和尚家風  
師曰曰曰曰今問不問不答時如何師曰寐語作麼問如何是  
巖山巖崖裏佛法師曰用巖山巖崖作麼問牛頭未見四祖  
時如何師曰青山綠水曰見後如何師曰綠水青山師問僧汝  
會佛法麼曰不會師曰汝端的不會曰是師曰且去待別時來

其僧珍重師曰不是庭箇道理問如何是摩訶般若師曰雪落  
茫茫僧無語師曰會麼曰不會師遂有頌曰摩訶般若非取非  
捨若人不會風寒雪下

金陵報恩院玄則禪師滑州衛南人也初問青峰有本云如何  
是佛有云青峰曰丙丁童子來火師得此語藏之於心及謁  
淨慧詰其悟旨師對曰丙丁是火而更求火亦似玄則將佛問  
佛淨慧曰幾放過元來錯會師雖蒙開發頗懷猶豫復退  
思既殆莫曉玄理乃投誠請益淨慧曰汝問我與汝道師乃  
問如何是佛淨慧曰丙丁童子來求火師豁然知歸後住報  
恩院師上堂顧視大眾曰好箇話頭只是無人解問得所以勞  
他古人三度喚之諸人即不勞他喚也此即且從古人意作麼生  
還說得麼子佛出世亦不增一絲毫六道輪迴也不減一絲毫  
皎地現無絲頭驛礙古人道但有纖毫即是塵且如今物象森

飛下自飛字

然地作廢生消遣得汝若於此消遣不得便是凡夫境界然也  
莫嫌朴實說話也莫嫌說著祖佛何以故見說祖佛便擬超  
越去若恁麼會大沒交涉也須子細詳究有不見他古德究  
離生死亦無剃頭剪爪工夫如今看見大難繼續問了了見  
佛性如何是佛性師曰不欲便道問如何是全剛大士師曰見  
也未問如何是諸聖密密處師曰却須會取自己曰如何是和  
尚密密處師曰待汝會始得師謂衆曰諸上座盡有常圓之月  
各懷無價之珍所以凡在雲中雖明而不照智隱惑內雖真而  
不通無事久立問如何是不動尊師曰飛颺問如何是了  
然一句師曰對汝又何難曰恁麼道莫便是也無師曰不對又  
何難曰深領和尚恁麼道師曰汝道我道什麼問亡僧遷化  
向什麼處去也師曰待汝生即道曰賓主歷然師曰汝立地見  
亡僧問如何是學人本來心師曰汝還曾道著也未曰只如

梨作玻璃

道著如何體會師曰待汝問始得問教中有言樹能生果作  
頭梨色未審此果何人得喫師曰樹從何來曰學人有分師曰  
去果八萬四千問如何是不遷師曰江河競注日月旋流問宗乘  
中云要處請師言師曰汝行脚來多少時也曰不曾逢  
伴伴師曰少瞌睡  
金陵報慈道場玄覺尊師行言泉州晉江人也得法於淨  
慧禪師上堂示衆曰凡行脚人參善知識到叢林萃下就鉢  
可謂行菩薩之道能事畢矣何用更來這裏舉論真如涅  
槃此是非時之說然古人有言譬如披沙識寶沙礫若除真  
金自現便喚作常住世間具足僧寶亦如一味之雨散之地生長  
萬物大小不同也辛有異不可道地與雨有大小之名也所以道方  
即現方圓即現圓何以故爾法無偏正隨相應現喚作對現  
色身還見麼若不見也莫閑坐地問如何是祖師西來意師曰

此問不當問坐却是非如何合得本來人師曰汝且作麼生坐  
 江南國主新建報慈大道場命師大闡宗猷海會三千餘眾別  
 署導師之號師謂衆曰此日英賢共會海衆同臻諒惟佛法  
 之趣無不備矣若是英鑒之者不須待言也然言之本無何以  
 默矣是以森羅萬象諸佛洪源顯明則海印光澄冥昧則情  
 迷自惑苟非通心上士逸格高人則何以於諸塵中發揚妙極卷  
 舒物象兼奪森羅示生非生應感非滅生滅同已乃曰真常言  
 假則影散十途論真則正絕迹豈可以有生滅而計之者  
 哉問國王再請蓋特薦先朝和尚今日如何舉唱師曰汝不  
 是問再唱人曰怎麼即天上人間無過此也師曰勿交涉問遠  
 遠投師請垂一接師曰却依舊處去  
 金陵淨德道場達觀禪師智筠向中府人也姓王氏弱齡邁  
 俗依善教寺果大師披削年滿受具始遊方詣撫州龍濟修

箇 恒

毫上二字

山王親附久之機緣莫契後詣金陵報恩道場參淨慧頓悟  
 玄旨後住廬山棲賢寺師上堂謂衆曰從上諸聖方便門不殊太  
 底要諸仁者有見處然雖未見且不參差一絲髮許諸仁  
 者亦未嘗違背一絲髮許何以故但赫地顯露如今便會取更  
 不費家氣力還者要麼設道毗盧有師法身有主斯乃抑揚  
 對機施設諸仁者作麼生會對底道理若也會且莫嫌他佛語莫  
 重祖師直下是自己眼明始得僧問如何是的師曰道什  
 麼問紛然覓不得時如何師曰覓箇什麼不得問如何是祖師  
 意師曰用祖師意作什麼問今朝呈遠瑞正意爲誰來師曰  
 大衆盡見汝恁麼問乾德三年江南國主仰師道化於北苑建  
 大道場曰淨德延請后之署大禪師之號上堂謂衆曰夫欲慕  
 道也須上上根器始得造次中下不易承當何以故佛法非元  
 意識境界上座莫恁麼僕僕地他古人道沙門眼把定世界蓋

乾坤絲絲不漏絲髮所以諸佛讚歎讚歎不及此喻此喻不及  
道上座威光赫奕且右且左幸有如是家風何不紹續取為什  
座自生卑劣枉受辛勤不能曉悟只為如此所以諸佛出興於  
世只為如此所以諸佛唱入涅槃只為如此所以祖師特地西  
來僧問諸聖皆入不二法門如何是不二法門師曰但德廢入曰  
德廢即今古同然去也師曰汝道什麼處是同問如何是佛法  
大意師曰恰問著曰德廢即學人禮拜也師曰汝作麼生會問  
如何是佛師曰如何不是師復謂眾曰吾不能投身巖小谷滅  
迹市廛而出入禁庭以重煩世主吾之過也遂屢辭歸故山國  
主錫以五峯棲玄蘭若開寶二年八月十七日安坐告寂壽六十  
四臘四十四

俄僕上莫結切  
下先結切

高麗道峯山慧炬國師始發檝於淨慧之室本國主思慕遣  
使來請遂迴故地國主受心訣禮待彌厚百請全府上堂師

拍成鳳樓示眾曰威鳳樓為諸上座舉揚了諸上座還會麼儻  
若會且作麼生會若道不會威鳳樓作麼生不會珍重師之言  
教未被中華亦莫知所終

金陵清涼法燈禪師泰欽魏府人也生而知道辯才益礙入淨  
慧之室海衆歸之僉曰敏匠初受請住洪州幽谷山雙林院上  
堂未升座乃曰此山先代三尊宿曾說法來此座高廣不才何  
升昔古有言作禮須彌燈王如來乃可得坐且道須彌燈王如  
來今在何處大眾要見麼一時禮拜師便升座良久曰為大眾只  
如此也還有會處麼僧問如何是雙林境師曰盡也不成曰如何  
是境中人師曰且去又曰境也未識且計久問一佛出世震動乾  
坤和尚出世震動何方師曰什麼處見震動曰爭奈即今何  
師曰今日有什麼事有僧出禮拜師曰道者前時謝汝請我  
將什麼與汝好僧擬問次師曰將謂相悉却成不委問如何是

西來密密意師曰苦問一佛出世普潤羣生和尚出世當為何  
人師曰不徒然曰恁麼即大眾有賴也師曰何必師告衆曰且住  
得也久立官人及諸大眾今日相請勤重此箇殊功比喻何及所  
以道未了之人聽一言只遮如今誰動口師便下座立倚拄杖而  
告衆曰還會麼天龍寂聽而雨華莫作須菩提燈子畫將去  
且恁麼信受奉行師次住上藍護國院僧問十方俱擊鼓  
十處一時聞如何是聞師曰汝從那方來問善行菩薩道不  
染諸法相如何是菩薩道師曰諸去相曰如何得不染去師  
曰染著什麼處問不久開選場選許學人選也無師曰汝是  
點額人又曰汝是什麼科目問如何是演大法義師曰我演何  
似汝演師次住金陵龍光院上堂外座維那白推云法筵龍象  
衆當觀第一義師曰維那是第二義長老只今是第幾義師  
又舉衣袖謂衆曰會麼大眾此是山呼舞蹈莫道五百生前曾

為樂主來或有疑情請垂見示時有僧問如何是諸佛正宗  
師曰汝是什麼宗曰如何師曰如何即不會問上藍一曲師親唱  
今日龍光莫若何師曰汝什麼時到上藍來曰諦當莫如何師  
曰不諦當即別處覓問如何是仙法大意師曰且問小意去  
來與汝大意師後入金陵住清涼大道場上堂外座僧出問次  
師曰遮僧最先出為大元已了各國主深恩問國主請命祖席  
重開學人上未請師直指心源師曰上來却下去問法眼一燈分  
照天下和尚下堂分付何人師曰法眼什麼處分照來江南國主  
為鄭王時受心法於淨慧之室暨淨惠不滅後章向於師曰  
先師有什麼不了底公案師對曰見分析好異日又問曰承聞  
長先於先師有異聞底受師作起身勢國主曰且坐師謂元  
曰先師法席五百元今只有十數人在諸方為導首有首道  
有錯指人路底麼若錯指教他入水入火落坑落堦然古人又道

箇箇發真

我若向山々々自摧折我若向鏡湯自消滅且作麼生南  
 量言語即熟及河著便生疎去何也只为禪河多時上座俱念  
 我什麼處去不得有去不得者為眼等諸根色等諸法諸法  
 且置上座問眼見什麼所以道不見一法即如未分得為觀自  
 在珍重師南寶七年六月示疾告不曰老僧臥疾強牽拖身汝  
 相見如今隨處道場宛然化城且道作麼生是化城不見言尊  
 師云宝所非遙須且前進及至城計又道我所化作今汝讀試  
 說自道理看是如未禪祖師禪還定得麼汝等雖是脱生  
 須知傍忒我回主凡所勝地建一道場所須不問只要汝開口知  
 今不知阿那乃是汝口氣吞他四恩三有欲得會麼但識口  
 與答縱有答因汝有我今汝口氣相逼去住是常道老僧住持將  
 逾一紀每承回主助發至于檀越十月道侶主夏小師皆赤心  
 為我然而難言或披麻帶布此即順俗我道違真且道煩好違

好然但煩我道即與頌倒我之遺骸必於南山大智藏和尚左  
 右乞一墳塚外沈皎然不淪化也努力珍重即其月二十  
 四日安坐而終  
 杭州真身宝塔寺紹嚴禪師雍州人也姓劉氏七歲依高安禪  
 師出家十八進具於懷暉律師暨遊方與天台詔國師同受記  
 於臨川尋於浙右木心寺挂錫宴寂後止越州法華山續入居  
 塔寺上方淨院吳越王命師開法署了空大智常昭禪師上  
 堂謂眾曰山僧素寡知見本期開放念經待死豈謂今日大  
 王勤重若勉山僧勉諸方宿德施張法筵然木王致請也只  
 圖諸仁者明心此外無別道理諸仁者還明心未莫不是語  
 言譚笑時疑然杜默時參尋知識時道伴啻略時觀山薪水時  
 耳目絕對時是汝心否如上所解盡為魔魅所撰豈曰明心更  
 有類人離身中妄想外別認徧十方世界合日月包太虛謂

檀越孟切開  
 張畫繒也

也

是本末真心。斯亦外道所計。非明心也。諸仁者。要會麼。心無是者。亦無不是者。汝擬執認其可得乎。問。六合澄清時如何。師曰。大衆誰信。汝問見月忘指時如何。師曰。非見月。曰。豈可認指為月邪。師曰。汝參學來多少時也。師開寶四年七月。示疾。謂門弟子曰。諸行無常。即常住相。言訖。跏趺而逝。壽七十三。臘五十五。金陵報恩院法安慧濟禪師。太和人。也。印心於法眼之室。初住。則曹山崇壽院。為第四世上堂。謂衆曰。知幻即離。不作方便。離幻即覺。亦無漸次。諸上座。且作麼生。會不作方便。又無漸次。古人意在什麼處。若會得。諸佛常見前。若未會。莫向圓覺經裏計。夫佛法。且舌且食。珠華不見前。諸上座。切時中。咸承此威光。須具大信根。荷擔得起。始得。不見佛。讚猛利。底人。堪為器用。亦不實他。向善久修。淨業者。要似他。廣須。兜屠。把下操刀。便證阿羅漢果。直須。恁麼。始得。所以長者道。如將。梵位。直授。凡庸。

僧問。大衆。既臨於法會。請師。不吝。句中。為師。曰。謾得。大衆。麼。曰。恁麼。即全。應此。問也。師曰。不用。得問。古人。有言。一切。法以。不生。為宗。如何。是不。生。宗。師曰。好箇。問處。問。佛法。中。請師。方便。師曰。方便。了也。問。如何。是。古佛。心。師曰。何待。問。江南。國主。請入。居報。恩署。號。授。衆。師上。堂。謂衆。曰。此。日奉。命。令。住持。當院。為。衆。演法。適來。見。維那。白。搥。了。多少。好。令。教。當觀。第一。義。且。作。麼。生。是。第一。義。若。遮。裏。參。得。多少。省。要。如。今。更。別。說。箇。什麼。即。得。然。承。恩。旨。不可。杜。默。去。也。夫。禪。宗。不。要。法。爾。常。規。圓。明。顯。露。且。古。且。今。至於。達。磨。西。來。也。只。與。諸。人。證。明。亦。無。法。可。得。與。人。只。道。直。下。是。便。教。立。地。觀。取。古。人。雖。即。道。立。地。觀。取。如。今。坐。地。還。觀。得。也。無。有。疑。請。問。僧。問。三。德。奧。樞。從。佛。演。音。玄。路。請。師。明。師。曰。汝。道。有。也。未。問。如何。是。報。恩。境。師。曰。大。家。見。汝。問。師。開。寶。中。示。滅。于。本院。



撫州崇壽院契桐禪師泉州人也上堂升坐僧問四衆諦觀第一義如何是第一義師曰何勞更問師又曰大衆欲知佛性義當觀時節因緣作麼生是時節因緣上座如今便散去且道有也未若無因什麼便散去若有作麼生是第一義上座第一義現成何勞更觀什麼顯明得佛性常照一切法常住若見有法常住猶未是法之真源作麼生是法之真源上座不見古人道一人發真歸元十方虛空悉皆消殞還有一法為意解麼古人有如是大事因緣依而行及即是何勞長老少訖衆中有未知者便請相示僧問淨慧之燈親然汝水今日王侯請命如何是淨慧之燈師曰更請問古人見不齊處請師方便師曰古人見什麼處不齊問如何是佛師曰如何是佛曰如何領解師曰領解即不是問的西來意師當第幾人師曰年八月半中秋問如何是知尚為人一句師曰觀音舉上藍舉師淳化

三年示滅

洪州雲居山清錫禪師泉州人也初住龍須山廣平院有僧問如何是廣平境師曰識取廣平曰如何是境中人師曰驗取次住雲居山僧問如何是雲居境師曰汝什麼作境曰如何是境中人師曰這來向汝道什麼師後住泉州西明院有處天使入院見供養法眼和尚真乃問曰真前是什麼果子師曰假果子天使曰既是假果子為什麼將供養真師曰也只要天使識假問如何是佛師曰容顏甚奇妙

洪州百丈山大智院道常禪師本山出家禮照明禪師披剃尋參淨慧獲預函丈因請益問外道問佛不問有言不問無言取語未終淨慧曰住住汝擬向世尊良久處會去師從此悟入後本山請歸住持當第十一世學者尤盛師上堂示衆曰乘此寶乘直至道場每日勞諸上座訪及無可祇延時寒不用久立

下真如院

喚

便見心空  
他場是

却請迴車珍重僧問如何是學人行脚事師曰拗折拄杖得也  
未問古人有言釋迦與我同參未審參何人師曰唯有同參方得  
知曰未審此人如何親近師曰德慶即不解參也問如何是祖師  
西來意師曰往往問不著問還鄉曲子作麼生唱師曰設使唱  
落後問如何是百丈境師曰何似雲居問如何是百丈為人下  
句師曰若到諸方總須問過師又謂眾曰實是坐事與上座各  
各事佛更有何疑得到遮裏古人只道十方同共聚箇箇學  
坐為此是選佛處心空及第歸心空是及第且作麼生會心空  
不是那裏閉目冷坐是心空此正是識陰想解上坐受心空麼但  
且識心所以道過去已過去未來更莫算元然無事坐何曾有  
人喚設有入喚上坐應他好不應好若應何誰喚上坐若不應  
不建藤也三世體空且不是木頭所以古人道心空得見法王還  
見法王麼也只是老病僧又莫是渠自代麼珍重僧問如何是

好

聚會

舉

佛師曰汝有少事不問僧舉人問玄沙曰三乘十二分教即不  
問如何是祖師西來意玄沙曰三乘十二分教不要其僧不會  
請師為說師曰汝實不會曰實不會而示得曰不要三乘要祖  
宗三乘不要身君同君今欲會通宗百後夜猿啼在亂峯師  
淳化二年示滅塔于本山  
夫白山般若寺通惠禪師敬遵上堂謂眾曰皎然  
巨谷也未曾有纖毫相與時無師長時授定上座無通  
無絲許法可作禪如今因什麼却不會特地生疑去與  
不用久立僧問得曇首人皆親般若家風賜上座師曰不因上  
坐問不曾答人曰德慶即般若雄峯詎齊今古師曰也莫錯  
會問牛頭未見四祖時為什麼百鳥銜華師曰汝什麼處見曰  
見後為什麼不銜華師曰且願話好問靈山下會迦葉親聞未

某甲

審今日一會何人得聞師曰汝試舉迦葉聞底看曰恁麼即迦葉  
親聞去也師曰亂道作麼師自述真讚曰真分寥廓郢人圖  
腹嶽峰雲空澄潭月躍

盧山師宗寺法施禪師策真曹州人也姓魏氏本名慧超外浮慧  
之堂問如何是佛淨慧曰汝是慧超師從此信入其語播于諸方  
初自廬山余家峯請下住歸宗上堂示眾曰諸上座見聞覺知  
只可一度只如會了是見聞覺知不是見聞覺知要會麼與諸  
上座說破了也待汝悟始得久立珍重僧問如何是佛師曰我  
向汝道即別有也問如何是歸宗境師曰是汝是什麼曰如何  
是境中人師曰出去問國王請命大落法筵不落見聞請師速  
道師曰閑言語曰師意如何師曰又亂說問承教有言將此身心  
奉塵刹是則名為報佛恩塵刹即不問如何是報佛恩師曰  
汝若是即報佛恩問每惜說法大地得聞獅子吼時如何師曰

三緣父母中陰 四緣因一次第一緣一增上

汝還聞麼曰恁麼即向無情也師曰汝不妨會問古人以不離見  
聞為宗未審和尚以何為宗師曰此問甚好曰猶是三緣四緣  
師曰莫亂道師次住金陵奉先寺未幾復遷止報恩道場太  
平興國四年歸寂

其

洪州鳳棲山同安院紹顯禪師僧問王恩降旨師親受熊耳  
家風乞言師曰已道了也問十里投師請師接師曰好入處  
雲蓋山僧乞瓦造殿有官人問既是雲蓋何用乞瓦無對師  
代曰空遇奇人

江州廬山棲賢寺慧圓禪師上堂示眾曰出得僧堂門見五  
老峯下生參學事畢何用更到遮裏來雖然如此也勞上座下  
轉魚事珍重僧問不是風動不是幡動未審古人意旨如何  
師曰大眾一時會取又上堂有僧擬問師乃拍其僧曰住住其  
僧進步問從上宗乘請師舉唱師曰前言不攝後語難追曰

會元作  
此土不知也

未審今日事如何師曰不會入言語問如何是佛法大意師曰  
好問如何是棲賢境師曰入得三門便合知問如何是祖師西  
來意師曰此欠少問祖燈重耀不吝慈悲更垂中下師曰安得  
麼曰德麼即方便門已開師曰也賺  
洪州觀音院從顯禪師泉州莆田人也少依本邑石梯山出家  
具戒參法眼受記初住昇州妙果院後住慈院參學頗衆師  
上堂衆集良久謂曰文殊深贊居士未審居士受贊也無若受  
贊何處有居士邪若不受贊文殊不可虛發言大衆作麼生會  
若會真箇初僧時有僧問居士默然文殊深贊此意如何師  
曰汝問我答曰德麼大樹頭來作麼生師曰行到水窮處坐  
看雲起時僧問如何是觀音家風師曰眼前看取曰忽遇作  
者來作麼生見待師曰貧家只如此未必便言歸問久負沒絃  
琴請師彈西師曰作麼生聽其僧側耳師曰賺殺人師謂衆

曰盧行者當時大度嶺頭多明上座言莫思善莫思惡遂我明  
上座本來面目來觀音今日不德麼道還我明上座來德麼道  
是曹谿子孫若是曹谿子孫又爭合除却四字若不是又過在  
什麼處試出來商量看良久師又曰此一衆真行脚人也珍重太  
平興國八年九月中師謂檀那表長史曰老僧三兩日間歸鄉  
去表曰和尚尊年何更思鄉師曰歸鄉圖得好鹽裹表不剛其  
言翌日師不疾而坐亡壽七十有八表長史建塔于西山  
廬州長安院延規禪師僧問如何是庵中主師曰到諸亦得道  
從長安來師化緣將畢以住持付門人辯實接武說法乃  
歸本院西堂示滅  
常州平勤院希奉禪師蘇州人也姓謝氏住本院為第二世初  
上堂示衆曰古聖道圓同太虛無餘又云一法二宗衆多  
法一法宗又道起唯法起滅唯法滅又云起時不言我起滅時不

言我滅據此說話屈滯久在叢林上座若是初心兄弟且須  
體道人身難得正法難聞莫同等閑施主衣食不易消遣  
若不明道个个盡須還他上座要會道麼珍重僧問如何是  
祖師西來意師什麼處得這个消息問如何是諸法空相師  
曰山河大地問僧衆雲集請師舉唱宗乘師曰舉來久矣  
問佛法付囑國王大臣今日正勤將何付囑師曰萬歲萬歲  
問古人有言山河大地是汝真善知識如何得山河大地爲善  
知識去師曰汝喚作山河大地問如何是合道之言師曰  
汝問我答問靈山會上迦葉親聞未審今日誰人得聞師曰  
迦葉親聞个什麼問古佛道場學人如何得到師曰汝今在  
什麼處問如何是和尚圓通師敲禪牀三下問如何是脫却  
根塵師曰莫妄想問人王法王是一是二師曰人王法王問如何  
是諸法寂滅相師曰起唯法起滅唯法滅問如何是未曾生底

麼作

曰

法師曰汝爭得知問無著見文殊爲什麼不識師曰汝道文殊  
還識無著麼問得意誰家新曲妙正勤一句請師宣師曰道什  
麼曰豈無方便也師曰汝不會我語  
洛京興善樓倫禪師僧問如何是佛師曰向汝怎麼道即得  
問如何是西來意師曰適來猶記得因密師致政李公繼勳發  
世有僧問是法住法位世間相常住未審官師李公向什麼處  
去也師曰恰被汝問若曰怎麼即虛申一問師曰汝不妨靈利  
洪州武寧嚴陽新興齊禪師僧問如何得出三界去師曰汝  
還信麼曰信即深信乞和尚慈悲師曰只此信心且古且今快須  
究取何必沈吟要出三界三界唯心師因雪謂衆曰諸上座還  
見雪麼見即有眼不見無眼有眼即常無眼即斷怎麼會得  
佛身充滿僧問學人辭去初潭乞和尚示箇入路師曰好箇入  
路道心堅固隨衆參請隨衆作務要去即去要住即住去之

與住更無他故若到初潭不審馬祖  
潤州慈雲匡達禪師僧問佛以一大事因緣故出現於世未審  
和尚出世如何師曰恰好曰作麼生師曰不好

景德傳燈錄卷第二十五

兼澄  
宗柱

天台 倚住 僧兼暹 三卷刊行

景德傳燈錄卷第二十六

吉州青原山行思禪師第九世下至第十一世  
第九世下

金陵清涼文益禪師法嗣下三十三人

蘇州薦福紹明禪師 澤州古賢謹禪師

宣州興福可動禪師 洪州上藍守訥禪師

撫州覆船和尚 杭州奉先法瑛禪師

廬山化城慧詡禪師 杭州永明道鴻禪師

高麗靈鑒禪師 荊門上泉和尚

廬山大林僧道禪師 池州仁王緣勝禪師

廬山歸宗義柔禪師已上十三人 泉州上方慧英禪師

荊州護國遇禪師 饒州芝嶺照禪師

廬山歸宗師慧禪師 廬山歸宗省一禪師

襄州延慶通性大師

廬山歸宗夢欽禪師

洪州舍利玄闡禪師

洪州永安明禪師

洪州禪窟可在禪師

潭州石霜英禪師

江西靈山和尚

廬山佛手巖因禪師

金陵保安止和尚

昇州華嚴幽禪師

表州木平道達禪師

洪州大寧道蘊禪師

楚州龍興德賓禪師

鄂州黃龍仁禪師

洪州西山道旻禪師

已上十人並機緣語句不錄

襄州清谿洪進禪師法嗣二人

相州天平山從漪禪師

廬山圓通緣德禪師

已上二人見錄

金陵清涼休復禪師法嗣二人

金陵奉先慧同禪師

廬山寶慶庵道習禪師

已上二人並機緣語句不錄

撫州龍濟山紹修禪師法嗣一人

河東廣原和尚

一人見錄

衡嶽南臺守安禪師法嗣二人

襄州鷲嶺善美禪師

安州慧日院明禪師

已上二人並機緣語句不錄

漳州報幼院玄應禪師法嗣一人

報幼第二世仁義禪師

漳州隆壽無逸禪師法嗣一人

漳州隆壽法睿禪師

廬山歸宗道詮禪師法嗣一人

筠州九峯義詮禪師

眉州黃龍繼達禪師法嗣一人

第二世黃龍和尚

朗州梁山緣觀禪師法嗣一人

鄂州大陽山蒼玄禪師

第十世

天台山德韶國師法嗣四十九人

杭州永明寺延壽禪師	温州大寧可弘禪師
蘇州長壽明秀大師	杭州五雲山志逢大師
杭州報恩法端禪師	杭州報恩紹安禪師
福州廣平守威禪師	杭州報恩永安禪師
廣州先聖師護禪師	杭州奉先清昱禪師
天台普潤智勤禪師	温州鴈蕩願齊禪師
杭州普門希辨禪師	杭州光慶遇安禪師
天台般若友蟾禪師	婺州智者全肯禪師
福州玉泉義隆禪師	杭州龍冊曉榮禪師
杭州功臣慶蕭禪師	越州緝心敬進禪師
福州嚴峯師木禪師	潞州華嚴慧達禪師

越州清泰道圓禪師	杭州九曲慶祥禪師
杭州開化行明大師	越州開善義圓禪師
温州瑞鹿遇安禪師	杭州龍華慧居禪師
婺州齊雲遇臻禪師	温州瑞鹿寺本先禪師
杭州報恩德謙禪師	杭州靈隱處先禪師
天台善建省義禪師	越州觀音安禪師
婺州仁壽澤禪師	越州雲門重曜禪師
越州大岳榮禪師	越州地藏瓊禪師
杭州靈隱紹光禪師	杭州龍華紹鑿禪師
越州碧泉行新禪師	越州象田默禪師
潤州登雲從堅禪師	越州觀音朗禪師
越州諸暨五峯和尚	越州何山道孜禪師
越州大岳自廣禪師	筠州黃蘗師迅禪師

已上三十一人



蘇州瑞光清表禪師 已上十九人無機緣語句不錄

杭州報恩寺慧明禪師法嗣一人

福州保明道誠大師 一人見錄

金陵報慈道場文遂尊師法嗣五人

常州齊雲慧禪師

洪州雙嶺祥禪師

洪州觀音真禪師

洪州龍沙茂禪師

洪州大寧獎禪師 已上五人無機緣語句不錄

杭州永明道潛禪師法嗣三人

杭州十光王瓌省禪師

衢州鎮境志澄大師

明州崇福慶祥禪師 已上三人見錄

杭州靈隱清淨禪師法嗣九人

杭州功臣院道慈禪師

秀州羅漢願昭禪師

處州報恩師智禪師

衢州澈寧可先禪師

杭州光孝道端禪師

杭州保清遇寧禪師

福州支提辯隆禪師

杭州瑞龍布圓禪師 已上八人見錄

杭州國泰德文禪師 一人無機緣語句不錄

金陵報慈行言導師法嗣二人

洪州雲居義能禪師 一人見錄

饒州北禪清皎禪師 一人無機緣語句不錄

金陵清涼泰欽禪師法嗣二人

洪州雲居道齊禪師 一人見錄

廬山棲賢慧聰禪師 一人無機緣語句不錄

金陵報慈法安禪師法嗣二人

廬山棲賢道堅禪師

廬山歸宗第十四世慧誠禪師 二人見錄

廬州長安院延規禪師法嗣二人

廬州長安辯實禪師

潭州雲蓋用清禪師 已上三人見錄

杭州永明寺延壽禪師法嗣二人

杭州富陽子蒙禪師

杭州朝明院津禪師 已上三人無機緣語句不錄

蘇州長壽院明彦大師法嗣一人

長壽第二世法齊禪師見錄

杭州普門寺希辯禪師法嗣二人

高麗國慧洪禪師

越州上林湖智禪師

已三人無機緣語句不疏

行思禪師第九世下

金陵清涼文益禪師法嗣

蘇州薦福院紹明禪師州將錢仁奉請住持乃問如何是和尚家

風師曰功處看取

澤州古賢院謹禪師師勤僧云如來堅密身功處中現如何

是堅密身僧豎指師云現即現你怎生會僧無語師侍立次

見淨慧問一僧云自離此間什麼處去來曰入處來淨慧曰不易

曰虛海他如許多山水淨慧曰如許多山水也惡其僧無語師於

此言下大悟僧問如何是佛師曰築著汝鼻孔

宣州興福院可勤禪師建州建陽人也姓朱氏自淨慧印心遂

開法住持僧問如何是興福主師曰聞梨不識曰莫只處便是

麼師曰縱未歇狂頭示何失問如何是道師曰勤而行之問何云

法空師曰不空師有偈示衆曰秋江煙島晴鷗鷺行行立不

參觀世音華知普門入

洪州上藍院守訥禪師上堂謂衆曰盡令提綱無人掃地叢林兄

弟相共證明晚進之流有疑謂問有僧問願開甘露門當觀

第一我不落有無中請師垂指示師曰大衆證明曰住麼即屈去

也師曰閑言語問如何是佛師曰更問阿誰

撫州覆船和尚僧問如何是佛師曰不識問如何是祖師西來

意師曰莫謗祖師

杭州奉先寺法明普照禪師法環僧問釋迦出世天雨四華地搖

示勸未審和尙今日有何祥瑞師曰大眾盡見曰法王法如是也師曰人王見在問淨慧寶印和尙親傳令旦會當付何人師曰誰人無分曰恁麼即雷音普震無邊刹也師曰也須善聽廬山化城寺慧朗禪師江南相宋齊丘請開堂師升座曰今日令公請山僧為衆莫非齊佛侍囑不忘佛恩衆中有問詰者出未為令公結緣僧問曰令公親降大眾雲鏡從上宗乘請師舉唱師曰莫是孤負令公麼問師常苦口為何麼學人已事不明師曰閣梨什麼處不明曰不明處請師決斷師曰適來向汝道什麼曰恁麼即全因今日去也師曰退後禮拜三拜

抗則慧曰永明寺通辯禪師道鴻世三僧問遠離天台境來登慧曰峯久聞師子吼今日請師通師曰聞麼曰恁麼即昔時崇壽今日永明也師曰幸自靈利何須亂道師謂衆曰大道廓然古今常爾真心周徧如量之智皎然萬象木林羅咸真

實相該天拈地亘古亘今大衆還會麼還辨白得麼問國王嘉命公貴臨筵未審今日當為何事師曰驗取曰此意如何師曰什麼處去來曰恁麼即猶成造次也師曰休亂道問諸佛出世放百寶光明師登寶座有何祥瑞師曰可驗曰法王法如是師曰也是虛言

高麗靈鑿禪師僧問如何是清淨伽藍師曰牛欄是問如何是佛師曰拽出癩漢著

荆門上泉和尙僧問二龍爭珠誰是得者師曰我得問遠遠投師如何一按師按杖視之其僧禮拜師便喝問又壁無瑕時如何師曰我不重曰不重後如何師曰火裏蟬蟻飛上天

廬山大林寺僧道禪師初住圓通有僧舉僧問玄沙和尚向上宗乘此間如何言論云沙云少人聽今問師不知云沙意旨如何師曰待汝移却石耳峯我即向汝道歸宗乘別云且依聲

池州仁王院緣脈禪師僧問農家擊壤時如何師曰僧家自有本分事曰不問僧家本分事農家擊壤時如何師曰話頭何在

廬山歸宗寺義柔禪師第十三世住師初上堂升座維那白拖曰法筵龍象衆當觀第一義師曰若是第一義且作麼生觀恁麼道落在什麼處為是觀為復不許人觀先德上座共相證明後學初心莫喚作返問語倒靠語有疑請問僧問諸佛出世說法度人感天動地和尚出世有何祥瑞師曰人天大衆前顯語作麼問諸宮已集大衆側聆如何是出世言之事師曰大衆證明問香煙起處師登座未審宗乘事若何師曰教來也恁麼會問優曇華拈人皆覩達本無心事若何師曰謾語曰恁麼即南能別有深深旨不是心心人不知師曰事須飽叢林問昔日余峯今日歸宗未審是一是二師曰謝汝證明問智藏一箭直射

法眼

歸宗歸宗一箭當射何人師曰莫謗我智藏問此日知軍親證法師從何處荅深恩師曰教我道什麼即得師又曰問一答也無了期佛法也不是恁麼道理大衆此日之事故非本心實謂只不住山寧有意向來成佛亦無心蓋緣是知軍請命寺衆誠心既到遮裏且說个什麼即得還相恁麼此若不及古人便道相逢欲相喚喚不能語作麼生會若會堪報不報之恩足助魚鳥之化若也不會莫道長老開堂只舉古人語此之盛事天高海深況命不及更不敢讚祝皇風迴向清列何以故古人猶道吾禱久矣豈况當今聖明者哉久立珍重僧問如何是空王廟師曰莫少神曰如何是廟中人師曰適來不謾道問靈龜未兆時如何師曰是吉是凶問未達其原乞師方便師曰達也曰達後如何師曰終不恁麼問久發大乘心中忘此意如何是此意師曰又道中忘

信

前襄州清谿洪進禪師法嗣

相川天平山從漪禪師有僧問如何得出三界師曰將三界來與  
出僧問如何是和尚家風師曰顯露地問如何是佛師曰不  
指天地為什麼不指天地師曰唯我獨尊問如何是天平師曰  
八山九石問洞深杳杳清谿水飲者如何不升墜師曰更夢見  
什麼問大衆雲集合譚何事師曰香煙起處森羅見  
廬山圓通院緣德禪師感塘人也姓黃氏初出家於臨安朗  
瞻院落髮依年往天台山受具始習禪那於天龍順德大師尋  
往江表問道值洪進山主印心時以南國主於廬山建院請師開  
法師上堂示衆曰諸上座明取道眼好是行脚僧本分事  
道眼若未明有什麼用處只是衫盤喫飯道眼若明有何  
障礙若未明得強說多端也無用處無事也好尋究僧問如  
何是四不遷師曰地水火風問如何是古佛心師曰水鳥樹

林曰學人不會師曰會取學人問久負沒絃琴請師禪師  
曰負來得多少時也曰未審作何音調師曰話墮也珍重問如  
何是佛法大意師云過去燈明佛本光瑞如此問如何是學人  
自己師云特地申問是什麼意問如何是本梅主師云閣梨  
今日離什麼處

前昇州清涼休復禪師法嗣

昇州奉先寺淨照禪師慧因魏府人也姓張氏幼歲出家禮  
饒州北禪院惟直禪師披削年滿受具於梅州希操律師  
於清涼得法僧問唯上堅密身切塵中現又云佛身充滿於法界  
普現劫羣生前於此二途請師說師曰唯上堅密身切塵中現  
僧問如何是古佛心師曰汝疑阿那个不是問如何是常在底  
人師曰更問阿誰

前撫州龍濟山紹修禪師法嗣

河東廣原和尚僧問如何是佛法大意師示偈曰刹刹現形儀  
塵々具覺知性原常鼓浪不悟未曾移

前衡嶽南臺守安禪師法嗣

襄州警嶺善美禪師第三世住僧問如何是警嶺境師曰岷山對碧  
玉江水往南流曰如何是境中人師曰有什麼事問百川異流還歸  
大海未審大海在幾處師曰汝還到海也未曰到海後如何師  
曰明日來向汝道

前漳州隆壽院無逸禪師法嗣

隆壽法齊禪師泉州晉江縣人也姓施氏母廖氏始娠頗惡草  
腥及長捨於本州開元寺菩提院出家納戒詣漳州參逸和尚  
得旨刺史陳洪鈞請開堂住持隆壽第三世住上堂謂眾曰今日隆壽出  
世三世諸佛森羅萬象同時出世同時轉法輪諸人還見麼  
僧問如何是隆壽境師曰無汝伸足處曰如何是境中人師曰

未識境有有僧到參至明日入方丈請師心要師曰昨日相逢字  
起后今朝相見事還如何却覓呈心要心要如何特地踈前  
廬山歸宗寺道詮禪師法嗣

筠州九峯義教禪師僧問如何是祖師西來意師曰有力  
者負之而趨

前眉州黃龍繼達禪師法嗣

眉州黃龍第二世和尚僧問如何是密室師曰所不開曰如何  
是密室中人師曰擬男女相問國內按劍者是誰師曰昌福曰  
忽遇尊貴時如何師曰不遺

前朗州梁山緣觀禪師法嗣

鄧州大陽山警玄禪師僧問叢林浩浩法鼓喧喧向上宗乘如  
何舉唱師曰他無个消息爭肯應當曰今日宗乘已蒙師指示  
未審法嗣何人師曰梁山點出秦時鏡長慶峯前一撮輝問如

前字序字上

何上又別字

何是大陽境師曰孤鶴老後啼谷韻更松寒竹鎖青煙曰如  
何是境中人師曰作麼作麼問如何是大陽家風師曰蒲餅傾  
不出大地勿亂人問如何是佛師曰汝何不是佛曰學人不會時  
如何師曰迢然不掛三秋月一句當陽豈在燈問如何是祖師  
西來意師曰解問不當曰學人不會時如何師曰來府鐵牛人皆  
嚮下和得王至令傳問如何是大陽透法身底句師曰大洋海  
底紅塵起須彌頂上水橫流問牛頭未見四祖時為什麼百鳥  
銜花師曰出戶鳥糞頭戴雪曰見後為什麼不銜花師曰杲日  
當天後鳥糞出戶飛

行思禪師第十世

前天台山德韶國師法嗣

杭州慧日永明寺智覺禪師延壽餘杭人也姓王氏總角之  
歲歸心佛乘既冠不茹葷日唯食持法華經七行俱下才六

參禪師

旬悉能誦之感羣羊跪聽年二十八為華亭鎮將屬羣衆求  
明大師遷上龍冊寺大闡玄化時吳越文穆王知師慕道乃從其  
志放令出家禮翠巖為師執勞供養都忘身宰衣不綴纒  
食無重味野蔬布襦不遺旬夕尋往天台完桂峯九旬習定有  
鳥類不鷄鷄千衣襖中既謂韶國師一見而深器之密授玄旨  
仍謂師曰汝與元師有緣他日大興佛事密受記初住明州雪  
竇山學侶臻湊咸平元年賜師上堂曰雪竇遠裏遷遷千尋不  
得纖粟壽巖乃似無三三三知汝等諸人向什麼處進步時有  
僧問雪竇一徑如何履踐師曰步步寒華結言言徹底永建  
隆元年忠懿王請入居靈隱山新寺為第一住持年復請住  
永明大道場為第二住持年復請住  
更添香著日謝師指示師曰且喜勿交涉師有偈曰忽識永  
明前門前一湖水日照光明生出來波浪起問學人久在永明

為何麼不念承明家師曰不念如會取曰不念處如何會師  
 曰牛胎生象子碧海起紅塵問成佛祖亦出不得古道輪迴  
 亦出不得未審出个什麼不得師曰出汝問處不得問承教  
 有言下切請佛及佛法皆從此經出如何是此經師曰長時轉  
 不停那義亦非造曰如何受持師曰若欲受持者應須用眼  
 聽問如何是大圓鏡師曰破砂盆師曰承明道場十五載度才  
 子一千七百人開寶七年入天台度戒萬人常與七眾受戒  
 薩戒夜施鬼神食放諸生類不可稱算亦時散華行道錄  
 力念法華經一万三千部著宗鏡錄一百卷詩偈題詠凡千方  
 言播于海外高麗國王覺師言教遺徒齋書教才子  
 禮奉金線織成袈裟紫水精數珠金澡羅等彼國僧三  
 十人親承印記而後歸國各化一方以開寶八年乙亥十  
 二月壬辰二十六日辰時焚香告眾跏趺而亡明年正月六日

成

塔于木慈山壽七十二臘四十二

太宗皇帝賜額曰壽寧禪院  
 温州木寧院可弘禪師僧問如何是正真一路師曰七顛八倒  
 日恁麼即法門無別去也師曰我知汝錯會去問師曰無  
 一絲頭時如何師曰話頭已墮曰乞師指示師曰適來亦不虛  
 設問向上宗乘請師舉揚師曰汝問太遲生曰恁麼即不仰陀  
 去也師曰深知汝恁麼去

會

講作陵

蘇州安國長壽院朋彥大師永嘉人也姓春氏本州開元寺受  
 業初參婺州金鑄寶資和尚後因慧明禪師激發而歸  
 于天台之空悟正法眼自此隨緣闡法盛化姑蘇節師錢仁奉  
 禮重創院請轉法輪本國賜紫衣著廣法大師僧問如何是  
 玄旨師曰四稜塌地問如何是絕絲豪底法師曰山河大地曰恁  
 麼則即相而無相也師曰也是狂言問如何是徑直之言師曰



千透萬曲曰徒麼即無不總是也師曰是何言歟問如何是道  
師曰政涉不易師建隆二年辛酉以住持什門人法齊繼世訖  
法即其年四月六日示滅壽年九臘三十五  
杭州五雲山華嚴道場志逢大師餘杭人也生惡業血膚體香  
繁幼歲出家于本邑東山朗瞻院依年受具通貫三學及進  
伴相嘗夢升須彌山觀三佛列坐初釋迦次彌勒皆禮其足唯  
不識第三佛但仰視而已特釋迦示之曰此是彌勒補處師子  
形佛師方作禮覺後因閱大藏經乃符所夢天福中遊方抵  
天台山雲居道場參回師實主緣契頓發云被一日因入普賢  
殿中冥坐倏有一神人跪膝于前師問曰汝其誰乎曰護戒神  
也師曰吾患有宿愆未殄汝知之乎曰師有何罪唯不過耳師  
曰何也曰凡折鉢水亦施主物師每常傾棄此所宜也言訖而隱  
師自此洗鉢水盡飲之積久因致脾胃疾十載方愈凡折退飲之頭  
無便利等並宜喝

唱作鳴

指點念吃發  
施心而傾棄之  
吳越國王嚮其道風召賜紫署普覺大師初命住臨  
安功德院云侶輻湊師上堂曰諸上座捨一知識而參一知識盡  
學善財南游之式樣也且問上座只如善財禮辭文殊擬登妙  
峯山認德雲比丘及到彼所何以德雲於別峯相見夫教意祖  
意同方便終無別理彼若明得此亦昭然諸上座即今築著老  
僧是相見是不相見此處是妙峯是別峯脫或從此省去亦謂  
不孤負老僧亦常見德雲比丘未嘗利那相捨離還信得及麼  
僧問叢林舉唱曲為今時如何是功目的意師曰見麼曰  
怎麼即大衆咸欣也師曰將謂獅子兒問佛佛授手祖祖傳  
心未審和尚傳个什麼師曰汝承當得麼曰學子承當不得還別  
有人承當得否師曰大衆笑汝問如何是如來藏師曰恰問著  
問如何是諸佛機師曰道是得麼師百上堂良久曰大衆看  
看便下座歸方丈開寶初忠懿王創普門精舍三請住持再

揚宗要即普門第一世師上堂曰古德為法行脚實不憚勤勞  
 如雪峯和尚三回到投子九度上洞山盤桓往返尚未完入路  
 不得看汝近世參學人才跨門來便待老僧接引拍掌說禪  
 且汝欲造玄極之道豈同尋常況此事悟亦有時寐亦得  
 汝等要知悟時麼如今各且下去堂中靜坐直待汝家峯點頭  
 老僧即為汝分說時有僧出曰仰家峯點頭也請師說師曰  
 大眾且道此僧會老僧語不會老僧語其僧禮拜師曰今日  
 偶然失鑿問如何是普門家風師曰幾人觀不足曰如何是普  
 門境師曰汝到處且問家風了休師開寶四年回辭國主稱年  
 老願依林泉頤養時大將凌超以五雲山新創華嚴道場奉  
 施為終老之所雍熙二年乙酉十一月忽示疾二十五日命侍僧辦  
 香水盥沐跏趺而坐良久告寂壽七十七臘五十八塔曰寶峯帝照  
 杭州報恩光教寺慧彤禪師法端第三世住師上堂曰散夜與諸上

節

座東語西語猶未盡其源今日與諸上座大開方便時說句  
 還願樂也無久立珍重僧問學人怎麼上來請師接師曰不接  
 曰為什麼不接師曰汝太靈利  
 杭州報恩光教寺通辯明達禪師紹安第四世住師上堂曰百染神  
 萬劫不朽今日為諸上座舉一句分明記取珍重僧問大眾禪  
 取請師不吝師曰奇怪曰怎麼即今日得遇於師也師曰是何  
 言與師有時示眾曰辛有樓臺匝地常提祖印不妨諸上座  
 參取久立珍重問如何是和尚家風師曰一切處見成曰怎麼即  
 直告且今也師曰莫開言語  
 福州廣平院守威宗一禪師福州候官人也西峯山受業參天  
 竺得旨國師授之法衣時有僧問曰大庾嶺頭提不起如何傳授  
 侍於師師拈起衣曰有人敢道天台得麼時吳越忠懿王留德  
 命闡法住持署于師名玄徒臻華上堂示眾曰達磨大師云吾

法三十年後不移綠髮山僧今日不移達磨綠髮先達之者共  
相證明若未達者不移綠髮僧問洪鐘韻絕大眾臨筵祖意  
西來請師提唱師曰洪鐘韻絕大眾臨筵問古人云任汝千聖見  
我有天真佛如何是天真佛師曰十聖是弟問如何是廣平家  
風師曰誰不採用師後遷住怡山長慶上堂謂眾曰不用開經  
作梵不用展鈔牒牒還有理論處也無說有理論處乃是方便  
之譚宗乘事作麼生僧問如何是西來意師曰未曾有人答得  
曰請師方便師曰何不更問師後終于長慶  
杭州報恩光教寺第五世住永安禪師溫州永嘉人也姓翁氏  
幼歲依本郡彙征大師出家後唐天咸中隨本師入國吳越忠  
懿王命征為僧正師尤不喜俗務擬潛往閩川投訪禪會屬  
路改艱阻遂迴天台山結茅而止尋遇韶國師開未頓悟本心  
乃辭出山征師聞于忠懿王初命住越州清泰院次召居上寺

署正覺空慧禪師師上堂曰十方諸佛一時雲集與諸上座  
證明諸上座與諸佛一時證明還信麼切忌卜度僧問四象雲臻  
如何舉唱師曰若到諸方切莫錯舉曰非但學人木衆有賴師  
曰禮拜著僧問五乘三藏如者頗多祖意西來乞師指示師  
曰五乘三藏曰向上還有事也無師曰汝却靈利問如何是大  
作佛事師曰嫌什麼曰怎麼即親承摩頂去也師曰何處見  
世尊問如何是西來意師曰汝過處處立僧移師曰會麼曰  
不會師示偈曰汝問西來意且過處處立昨夜三更時雨打虛  
空濕電影豁然明不似蜘蛛急師開寶七年甲戌夏正月示疾  
告眾為別時有僧問昔日如來正法迦葉親傳未審和尚玄風  
百年後如何體會師曰汝什麼處見迦葉來曰怎麼即信受奉  
行不忘斯言也師曰佛法不是庭箇道理言訖坐亡壽六十四臘四  
十四既闍維而右不壞柔軟如紅蓮葉今藏于普賢道場中師

寺

以華嚴李長者釋論百趣宏奧因將合經成百二十卷雕印  
編行天下

輒同較

廣川光聖道場師護禪師闍越人也自天台得法化行嶺表  
國主劉氏待以師禮創太伽藍請師居焉署大義之號僧問  
昔日梵王請佛今日國主臨庭祖嗣西來如何舉唱師曰不要  
西來山僧已舉唱了也曰豈無方便師曰適來豈不是方便問  
國王三請來坐光聖道場未審和尚法嗣何方師曰一聲鼓  
鼓萬戶齊窺曰怎麼即天台妙二曰光聖親承也師曰莫亂道問  
學人乍入叢林西來妙訣乞師指示師曰汝未入叢林我已  
示汝了也曰如何領會師曰不要領會  
杭州奉先寺清昱禪師永嘉人也得法於天台國師吳越忠  
懿王召入問道命軍使薛溫於西湖建太伽藍曰奉先建大佛  
寶閣延請師居之演暢宗旨署圓通妙覺禪師僧問如何

是西來意師曰高聲舉以大眾師開寶中示滅于本寺  
台則天台山紫雲普聞寺智勤禪師僧問如何是空手把鋤頭  
師曰但怎麼諦信曰如何是步行騎水牛師曰汝自何來師有  
頌示衆曰今年五十五脚未蹋寸土山河是眼晴大海是我肚本  
平興國四年例試僧經業山門老宿各寫法名唯師不開書札  
時通判李憲問禪師世尊選解書也無師曰天下人知至淳  
化初不疾命待僧開浴訖垂誠徒衆安坐而逝塔于本山  
三年後閉人遷塔發谷龍觀師全身不散容儀儼若髣髴仍  
長迎入新塔  
温州鴈蕩山願齋禪師錢塘人也姓江氏少依水心寺紹嚴禪師  
出家受具初習智者教精研止觀圓融行門後參天台國師發  
明玄奧乃住鴈蕩山開寶五年吳越王長子於西關建光慶寺  
請師開法住持仍於城下諸禪衆中訪求名行三百人同入新寺

師止堂有僧問夜月舒光爲什麼碧潭無影師曰作家弄影  
漢其僧從東過西立師曰不唯弄影兼乃怖頭師居之未幾回  
辭入山太平興國中示滅  
杭州普門寺希禪師蘇州常熟人也幼出家禮本邑延福院  
啓祥禪師落髮具戒詣楞伽山興律尋謁天台受心印乾德初  
吳越忠懿王命住越州清泰院署慧智禪師開寶中復召入居  
普門寺師上堂曰山僧素乏知見復寡聞持頃雖待坐於  
山中和尚亦不蒙有開示以至今與諸仁者聚會更無一法可  
相助發何況能爲諸仁者區別縹素商量古今思怪得山僧麼  
若有怪者且道此人具眼不具眼有賓主義無賓主義晚學  
初接必須審細時有僧問如何是普門示現神通事師曰徒麼  
即閣梨怪老僧也曰不怪時如何師曰汝且下堂裏思惟去太  
平興國三年吳越王入覲師隨寶塔至見于滋福殿賜紫號慧

明大師端拱中上言願還故里詔從之賜御製詩及忠懿王  
施金於常熟本山院創塔浮圖七級高二百尺功既就至道  
三年八月二十五日正疾而逝壽七十七臘六十三塔于院之西北隅  
杭州光慶寺過安禪師錢塘人也姓沈氏卅歲出家于天台  
華頂峯禮庵主重蕭披剃依年受具尋過本山詔回師密  
契宗旨乾德中吳越忠懿王命住北關傾心院又召入居天龍  
寺開寶七年甲戌安僖王請於光慶寺攝衆署善智禪師  
初上堂有僧問無價寶珠請師分付師曰善能吐露曰恁  
麼即人人具足也師曰珠在什麼處僧乃禮拜師曰也是虛言  
問提綱舉領盡立主賓如何是主師曰深委此問曰如何是  
賓師曰適來向汝道什麼曰賓主道合時如何師曰其令不  
行問心月孤圓光吞萬象如何是吞萬象底光師曰木衆  
總見汝恁麼問曰光吞萬象從師道心月孤圓意若何師曰

拈撮精神著曰鷲倚雪巢極可辨光吞萬象事難明師曰  
謹退問青山綠水處處分明和尚家風乞垂一勾師曰盡被汝  
道了也曰未必如斯請師答語師曰不用閑言又一僧方禮拜  
師曰問答俱備僧擬伸問師乃叱之師有時示衆曰欲識  
曹谿二日雲飛前面山分明真實箇不用別追攀問承古德  
有言并底紅塵生山頭波浪起未審此意如何師曰若到諸  
方但恁麼問曰和尚意旨如何師曰適來向汝道什麼師又  
曰古今相承皆云塵生井底浪起山頭結子空華生兒石玄旦  
作麼生會莫和聲送事就物呈心句裏藏鋒聲前全露麼  
莫是有名無體異唱玄譚麼上座自會即得古人意旨不  
然既恁麼會不得合作麼生會上座欲得會麼但看泥  
牛行處陽燄翻波木馬嘶時空華墜影聖凡如此道理分明  
何須久立珍重太平興國三年隨寶塔見于滋福殿賜紫

號朗智大師淳化初遷光慶舊寺三年九月二十日歸寂  
天台山般若寺友蟾禪師錢塘臨安人也幼歲出家於本邑  
東山朗瞻虎得度聞天台國師盛化遠趨函丈密印心地初  
命住雲居普賢虎僧侶咸湊吳越忠懿王署慈悟禪師遷  
止上寺衆盈五百僧問鼓聲才動木衆雲臻向上宗乘請  
師舉唱師曰虧汝什麼曰恁麼即人盡盡恩去也師曰莫  
亂道雍熙三年以山門大衆付交業弟子隆一繼踵開法至  
淳化初示滅歸葬于本山  
婺州智者寺全肯禪師初參天台問汝名什麼曰全肯  
天台曰肯个什麼師乃禮拜住後有僧問有人不肯師還甘  
也無師曰若人問我即向伊道師太平興國中往往持法嗣  
弟子紹忠繼世說法尋於本寺歸寂  
福州王泉義隆禪師上堂曰山河大地盡在諸人眼睛裏因

什麼說會與不會時有僧問曰山河大地眼睛裏師今欲更  
指歸誰師曰只為上座去處分明曰若不上來伸此問要知方  
便不虛施師曰依佈似曲才堪聽又被風吹別調中  
杭州龍冊寺第五世住曉榮禪師溫州白鹿人也姓鄧氏幼  
依瑞慶寺出家登戒開天台國師盛化遂入山參禮受心法  
初住杭州富陽淨福院後住龍冊寺二處住聚徒開法僧問  
祖祖相傳未審和尚傳所誰師曰汝還識得祖未僧慧文  
問如何是真實妙門師曰汝是慧文問如何是般若大神珠  
師曰般若大神珠分形萬億軀塵之彰妙體利利盡毗盧  
問日用事如何師曰念周沙界日用萬般通湛然常寂滅常  
轉自家風師曰坐妙善臺受大衆小衆有僧問向上事即  
不問如何是妙善臺中的的意師曰若到諸方分明舉似  
曰怎麼即雲有出山勢水無投淵聲師乃叱之師淳化元年

庚寅八月二十九日於秀州靈光寺淨土院歸寂撰昔門人致  
書辭同道壽七十一臘五十六

杭州臨安縣功臣院慶蕭禪師僧問如何是功臣家風師曰

明暗色空曰怎麼即諸法無生去也師曰汝喚什麼作諸法  
師乃頌曰功臣家風明暗色空法一振異心自通怎麼會  
得諸佛真宗

越州梅心敬瑛禪僧問結束囊裝請師分付師曰莫諱

曰什麼處孤負和尚師曰却是汝孤負我師後遷住杭州  
保安院示滅

福州嚴峯師末禪師初開堂升座時有極樂和尚問曰大

衆願望請震法雷師曰大衆還會麼還辨得麼今日不異

靈山乃至諸佛國土天上人間總付如是真古且今常無變異  
作麼生會無變異底道理若會得所以道無邊刹境自

延  
切  
切  
王

他不隔於豪端十世古今始終不移於當念問靈山一會如葉  
親聞今日巖峯一會誰是聞者師曰問者不弱問如何是文  
殊師曰來處甚分明  
潞州華嚴慧達禪師僧問如何是古佛心師曰山河大地問  
如何是華嚴境師曰蒲團並形影  
越州剡縣清泰院道圓禪師僧問二僧遷化向什麼處去  
也師曰今日遷化巖中上座問如何是祖師西來意師曰不  
可向汝道庭前柏樹子  
杭州九曲觀音院慶祥禪師餘杭人也姓沈氏身長七尺餘  
髯才冠衆多聞強記時天子門下推爲傑出僧問險惡道  
中以何爲津梁師曰以此爲津梁曰如何是此師曰築茅  
汝鼻孔  
杭州開化寺傳法大師行明本州人也姓于氏少投明州雪

竇山智覺禪師披剃及智覺遷住永明大道場有徒二千  
王臣欽仰法化彌盛師自天竺受記迴永明翼贊本師海衆傾  
仰開寶八年智覺歸寂師遂住能仁寺忠懿王又建大和寺  
尋改名大和寺後  
太宗皇帝賜紫衣師號咸平四年四月六日示滅  
越州蕭山縣漁浦開善寺義圓禪師僧問年去去年來方  
便門中請師開師曰分明記取曰怎麼即昔時師子吼今日  
象王迴師曰且喜勿交際  
温州瑞鹿寺上方遇安禪師福州人也得法於天台又常觀  
首楞嚴了義時謂之安楞嚴也至道元年季春月將示  
滅有法嗣弟子溫仁侍坐師乃說偈曰不是嶺頭携得事



豈從鷄足付將來。自台聖賢皆若此。眼吾今日為君裁。師  
 說個付囑。以香水沐身。易衣安坐。令界。指至室。良久。自入  
 棺。經三日。門人與本寺。瑜。開梨。輒啟。棺。視師。右脇。吉祥。而  
 眼。四眾。哀。慟。師。乃。再。起。升。堂。說法。及。訖。責。垂。誠。曰。此。度。更。啟  
 吾。棺。者。非。吾。之。子。言。訖。復。入。棺。長。街。  
 杭州。龍。華。寺。慧。居。禪。師。閩。越。人。也。自。天。台。領。旨。吳。越。忠。懿  
 王。命。住。上。寺。初。開。堂。眾。集。定。師。曰。從。上。宗。乘。到。此。如。何。言。論  
 又。如。何。舉。唱。只。如。釋。迦。如。來。說。一。代。時。教。如。餅。注。水。古。德。尚。云  
 猶。如。夢。事。寐。語。一。般。且。道。古。德。據。什。麼。道。理。便。恁。麼。道。還  
 會。麼。木。施。門。開。何。曾。擁。塞。牛。凡。育。聖。不。漏。纖。塵。言。凡。則。全。凡  
 舉。聖。則。全。聖。凡。聖。不。相。待。今。個。獨。尊。所以。道。山。河。大。地。長。時  
 說法。長。時。放。光。地。水。欠。風。二。如。是。時。有。僧。出。禮。拜。師。曰。好  
 个。問。頭。知。法。問。將。來。僧。方。進。前。師。曰。又。勿。交。涉。也。僧。問。諸。佛

出世放光動地和尚出世有何祥瑞師曰話頭自破。畧。上。堂  
 謂。眾。曰。龍。華。庭。裏。也。只。是。拓。此。木。擇。菜。上。來。下。去。晨。粥。兩。齋  
 時。一。飯。噉。後。喫。茶。但。恁。麼。參。取。珍。重。僧。問。學。人。未。明。自。己  
 如何。辨。得。皮。肉。師。曰。識。取。自。己。眼。曰。如何。是。自。己。眼。師。曰。向。汝  
 道。什。麼。

婺。州。齊。雲。山。退。菴。禪。師。越。州。人。也。姓。楊。氏。幼。歲。依。本。州。大。善  
 寺。出家。年。滿。登。具。預。天。台。之。室。親。承。印。記。住。齊。雲。山。夏。居。法  
 侶。咸。湊。僧。問。如何。是。無。縫。塔。師。曰。五。六。尺。其。僧。禮。拜。師。曰。塔  
 倒。也。問。圓。明。了。知。為。什。麼。不。因。心。念。師。曰。圓。明。了。知。何。異。心  
 念。師。曰。汝。喚。什。麼。作。心。念。師。秋。夕。閑。坐。禪。成。頌。曰。秋。庭。蕭。瑟  
 風。颼。颼。寒。星。列。空。蟾。魄。高。捲。國。靜。坐。神。不。勞。鳥。窠。無。著。指  
 布。毛。其。諸。歌。偈。皆。觸。事。而。作。三。百。餘。首。流。行。見。乎。別。錄。至  
 道。中。于。大。善。寺。

溫州瑞慶寺本先禪師溫州永嘉人也姓鄭氏幼歲於本州集慶院出家納戒於天台國清寺得法於天台韶國師初遇國師師曰吾初學天台法門語下便覺然千由之內四儀之中似物礙障如難同所千由之後百之中物不礙障雖不同所當下安樂頓覺前卷乃述頌三首一收風幡動仁者心動頌曰非風幡動唯心動自古相傳直至今今後水雲徒欲曉祖師真意只好知音二見色便見心頌曰若是見色便見人未聞者方難答若求道理說多成孤負平生三事初三明明自已頌曰曠大劫來祇如是如是回天亦同地回天作麼形作麼形兮無不是師自爾足不歷城邑子不度財貨不說財具不衣繭絲不齊終日宴坐申且誨誘徒眾師久經至踰三十載其志彌厲師示哀云你等諸人還見竹林蘭若宋院舍

人衆麼若道見則心外有法若道不見則奈竹蘭若山水院舍人衆現在擬然地還會麼告未麼若會不妨靈利無事莫立師示衆云佛身充滿於法界普現一切羣生前隨緣起感靡不周而常處此菩提座若道佛身充滿於法界去菩薩界緣覺界聲聞界天界修羅界人界畜生界餓鬼地獄界如是等界應須勿有蹤跡去始得爲什麼有此二三說爲道法界唯是佛身便怎麼道結麼道既成二三又作麼生說是充滿法界底佛身向麼裏爲你等亂道還得麼於麼个說話若也摩得不妨莫心力若也摩不得你等且道不歷僧祇獲法身是个甚人彼此出浴勞倦不妨且退師有特云大凡參學佛法未必學問語是參學未必學棟語是參學未必學代語是參學未必學別語是參學未必學於破經論中亦特言語是參學未必捨破諸祖師奇特言語是參學若也

於如是等參學住你七通八達於佛法中儘無箇實見處  
 喚作乾慧之徒豈不聞古德云聰明不敵生死乾慧豈免苦  
 輪諸人若也參學應須真實參學始得真實參學也行  
 時行時參取立時立時參取坐時坐時參取眠時眠時參取  
 取語時語時參取默時默時參取而作務時而作務時參取  
 取既向如是等時參且道箇甚人參箇什麼就到底裏須  
 自有箇明白處始得若果明白處喚作造次參學則無究竟  
 了又云幽林鳥叫碧潭魚跳雲片展張瀑聲鳴咽你等還知  
 得知是少景象示你等箇入處麼若也知得不妨參取好又  
 云天台教中說文殊觀音普賢三門文殊門者一切色觀音  
 門者而聲普賢門者不動步而到我道文殊門者不是  
 一切色觀音門者不是一切聲普賢門者是箇什麼莫道別  
 却天台教說話此事且退又云南泉遷化向甚處去東家

作驢西家作馬若是未出三界修行底人聞底箇言語不妨  
 狐疑不妨驚怕南泉遷化向甚處去東家作驢西家作馬或  
 會云千變萬化不出真常南泉遷化向甚處去東家作驢西  
 家作馬或會云須會異類中行始會得渡个言語南泉遷化  
 向甚處去東家作驢西家作馬或會云東家是南泉西家是  
 南泉南泉遷化向甚處去東家作驢西家作馬或會云東家  
 即君子西家即君子南泉遷化向甚處去東家作驢西家作  
 馬或會云東家是什麼西家是什麼南泉遷化向甚處去東  
 家作驢西家作馬或會云乃作驢叶又作馬嘶南泉遷化向甚  
 處去東家作驢西家作馬或會云喚什麼作東家驢喚甚麼  
 作西家馬南泉遷化向甚處去東家作驢西家作馬或會云既  
 問遷化在問處南泉遷化向甚處去東家作驢西家作馬或  
 會云作露柱處去南泉遷化向甚處去東家作驢西家作馬或

會云東家作驢南泉其處西家作馬南泉其處如是諸  
 家也認於佛法有安樂處南泉遷化向甚處去東家作驢西家  
 作馬學人不會要騎便騎要下便下庭个答話不消得少道理而  
 會若見法界性去也勿多事珍重又云晨朝起來洗手盥漱了  
 喫茶喫茶了佛前禮拜佛前禮拜了和尚主事處問訊和尚主  
 事處問訊了僧堂裏行益僧堂裏了上堂喫粥上堂喫粥  
 了歸下處打睡歸下處打睡了起來洗手盥漱起來洗手面  
 盥漱了喫茶喫茶了東事西事東事西事了齊時僧堂裏行  
 益齋時僧堂裏行益了上堂喫飯上堂喫飯了與齋盥漱了喫  
 茶喫茶了東事西事東事西事了黃昏唱禮黃昏唱禮了僧  
 堂前唱參僧堂前唱參了主事處唱參主事處唱參了和  
 尚處問訊和尚處問訊了初夜唱禮初夜唱禮了僧堂前唱珍  
 重僧堂前唱珍重了和尚處問訊和尚處問訊了禮拜行道誦

經念佛如此之外或往莊上或入郡中或歸俗家或到市肆既有如  
 是等運為且作麼生說个勿轉動相底道理且作麼生說个那伽  
 常在定處有不定體底道理還說得麼若也說得一任說取珍重  
 又云鑑中形影唯憑鑑光顯現你等諸人所作一切事且道唯憑个  
 什麼顯現還知得麼若也知得於參學中千足萬足無事莫  
 立又云你等諸人夜間眠熟不知一切既不知一切且問你等那時有  
 本來性若道那時有本來性那時又不知一切與死無異若道  
 那時無本來性那時睡眠忽醒覺知如故還會麼不知一切與  
 死無異睡眠忽醒覺知如故如是等時是箇什麼若也不會  
 各自體究取無事莫立又云諸法所生唯心所現如是言語好  
 箇入底門戶且問你等諸人眼見一切色耳聞一切聲鼻嗅一切  
 香舌知一切味身觸一切粟滑意分別一切諸法只如眼耳鼻  
 舌身意所對之物為復唯是你等心為復唯是你等心若

道唯是你等心何不與你等身都作一塊了休爲什麼所對之物却在等眼耳鼻舌身意外你若道眼耳鼻舌身意所對之物非是你等心又學奈諸法所生唯心所現言語留在世間何人不舉著你等見箇話還會麼若也不會太家用心商量教會去幸在其中莫令歇學無事且退大中祥符元年二月師忽謂上足知畫曰可造石龕仲秋望日吾將順化如畫稟命尋即成就及期遠近士庶奔趨瞻仰是日參問如常至午時安坐方丈手結寶印復謂如畫曰古人云騎虎頭打虎尾中央事作麼生如畫答云也只是知畫師云你問我畫乃問騎虎頭打虎尾中央事和尚作麼生師云我也弄不出言訖奄然開一目微視而寂壽六十七臘四十二長更具以事聞詔本川帝加檢視如畫乃奉師嘗所著竹林集十卷詩篇歌辭共千餘首詣闕上進詔祇祕閣如畫持賜

紫衣

前杭州報恩寺慧明禪師法嗣福州長慈保明院通法大師道誠師上堂曰如爲一人衆多亦然珍重僧問如何是保明家風師曰看問圓音普震三等齊聞竺土僊心請師密付師良久僧曰怎麼即意馬已成於寶馬心牛頭作於白牛師曰七顛八倒曰若不然者幾招西笑師曰禮拜退後問如何是和尚西來意師曰我不曾到西天曰如何是學人西來意師曰汝在東土多少時

西式忍切  
笑也

澹思問切  
深也

前杭州永明寺道潛禪師法嗣杭州十光王寺環省禪師溫州陶山人也姓鄭氏幼歲出家精究律部聽天台文句樓心於圓頓止觀後開楞嚴文理宏渾未能洞曉一夕誦經既久就寢若假寐夢中見時輪自空降開口吞之自是倏然發悟差別義門渙然無滯後聞國

城亦明法席隆盛專申參問永明唯印前解無別指喻即  
以忠懿王所遺衲衣授之表信後住湖西嚴淨院開寶三  
年衢州刺史翁晟仰重師道乃開西山創大禪苑太宗皇帝  
帝改賜寶雲寺額請師居之學者臻萃師上堂曰諸上座  
佛法無事昔之日月今日之日月昔由風今日風昔日上座今日上  
座莫道舉亦了說亦了而成現好珍重師開寶五年壬申  
七月示疾不食三日前有寶樹浴池現師曰凡所有相法  
是虛妄二十七日晚時集眾言別安坐而逝壽卒有七閣維  
舍利門人建塔

衢州鎮境志澄大師僧問如何是定乾坤底師曰漏絲  
髮曰用者如何師曰不知問或因普請鋤頭損傷蝦蟇蚯蚓  
還有罪也師曰何誰是下手者曰恁麼即無罪過師曰因  
果歷然師後遷住杭州西山寶雲寺說法本國賜紫中者積

善大師

明州崇福院慶祥禪師上堂曰諸禪德見性周徧聞性亦然  
洞徹十方無內無外所以古人道隨緣無作動寂常真如此  
施為全真智用問如何是本來人師曰堂亦尺其分明曰只  
如本來人還作如此相貌也無師曰汝喚什麼作本來人曰乞  
師方便師曰教誰方便

前杭州靈隱寺清淨禪師法嗣

杭州臨安功臣院道慈禪師問師登寶座大衆感臻請師舉  
揚宗教師曰木衆證明上座曰恁麼即且吞且今也師曰也須  
領話始得

秀州羅漢院願昭禪師錢塘人也依本部西山保清院受業  
自靈隱發明衆請出世師上堂曰山河大地是真善知識時常  
說法時一度久不妨諸上座久請無事久立僧問羅漢家

風請師一句師曰嘉私合總上國傳云曰此猶是嘉私家風知何是羅漢家風師曰或到諸方分明舉似師後往杭州香嚴寺僧問不立纖塵請師直道師曰眾人笑汝曰如何領會師曰還我話頭來

處州報恩院師智禪師僧問如何是和尚家風師曰誰人不見問如何是一相三昧師曰青黃赤白曰相何在師曰汝却靈利問祖相傳祖印師今法嗣何人師曰靈就身峯前月輪皎皎

衢州激寧可先禪師僧問如何是激寧家風師曰謝指赤問如何是西來意師曰怪老僧什麼處曰學人不曾乞師方便師曰適來豈不是問西來意

杭州臨安光孝院道端禪師僧問如何是佛師曰高聲問著曰莫即便是也無師曰勿交涉師後住靈隱寺示滅

杭州西山保清院遇寧禪師初開堂升座有二僧一時禮拜師曰二人俱錯僧擬進語師便下座

福州支提山雍熙寺辯隆禪師明州人也依靈隱寺了悟禪師出家遂受心印師上堂曰魏魏實相高塞虛空金剛之體無有破壞大眾還見不見若言見也且實相之體本非青黃赤

白長短方圓亦非見聞覺知之法且作麼生說見底道理若言不見又道魏魏實相高塞虛空為什麼不見僧問如何是白上一路師曰脚下底曰恁麼即尋常履踐師曰莫錯認問如何是堅密身師曰保地曰恁麼即不密也師曰見什麼

杭州瑞龍院希圓禪師僧問如何是和尚家風師曰特謝閣梨借問曰借問即不無家風作麼生師曰瞌睡漢

前金陵報慈行言尊師法嗣洪州雲居山義能禪師第九世住師上堂曰不用上來堂中橋陳如

上座。參諸上座。轉第一義法輪。還得麼。若自信得。各自歸堂。參取。師下堂後。却問一僧。只如山僧。適來教上座。參取聖僧。聖僧還道箇什麼。僧曰。特謝和尚。再舉問。如何是佛。師曰。即心是佛。曰。學人不會。乞師方便。師曰。方便呼為佛。即先照看身心。是何物。

前金陵清涼泰欽禪師法嗣

洪州雲居山第十一世住道齊禪師。洪州人也。姓金氏。禮百丈山明照禪師得度。徧歷禪會。學心未息。後遇法燈禪師。機緣頓契。暨法燈住上藍院。師乃主經藏。一日侍立。次法燈謂師曰。藏主。我有一轉西來意。話汝作麼。生會師對曰。不東不西。法燈曰。有什麼交涉。曰。道齊只恁麼未審。和尚尊意如何。法燈曰。他家自有兒孫在。師於是頓明。啟言。初住筠州東禪院。僧問。如何是佛。師曰。汝是阿誰。問。荆棘林中無出路。請師方

你

便為會開。師曰。汝擬去什麼處。曰。我不到此。師曰。閑言語。問不免輪迴。不求解脫。時如何。師曰。還曾問建山麼。曰。學人不曾。乞師方便。師曰。放三十棒。問。如何是三賢。師曰。汝是什麼寶。曰。如何。師曰。土木瓦礫。師次住洪州雙林院。後住雲居山三處說法。著語要。搜玄。括古。代別等集。盛行諸方。此不繁錄。至道三年丁酉九月示疾。八月甲申。特令聲鐘集眾。維那白云。眾已集。師曰。老僧三處住持三十餘年。十方兄弟相聚。話道主事。頭首勤心。贊物老僧。今日欠風相逼。特與諸人相見。諸人還見麼。今日若見。是未後方便。諸人向什麼處見。為向四大五陰處見。示入十二處見。遮裏若見。便可謂雲居山二十年。開後學有賴。吾去後。山門大眾。依契壞開。堂住持。凡事更在勤而行之。各自努力。珍重大眾。才散。師歸西。挾告寂壽六十九臘。四十八。今塔存本山。

掖也



不作金

前金陵報恩院法安禪師法嗣

廬山棲賢寺道堅禪師有官人問某甲收金陵布陣殺人  
畢數眾有眾也無師曰老僧只管看問如何是祖師西來意  
師曰揚瀾左對無風浪起問如何是棲賢境師曰棲賢有  
什麼境

廬山歸宗寺第十四世慧誠禪師揚州人也姓崔氏幼出家於  
揚州明水院受具游方緣契慧濟禪師密承心印庵于廬山  
之余峯淳化四年孟夏月歸宗柔和尚歸寂郡牧與山門徒  
衆三請師開法住持初上堂未升座謂衆曰天人得道此為  
證德麼便散去已是周處其如未曉再為重敷方乃升座  
僧問郡主臨筵請師演法師曰我不及汝問如何是佛師曰  
如何不是問如何是祖師西來意師曰不知師又曰問話且住  
諸上座問到窮劫問也不著山僧答到窮劫答也不及何以故

若

為上座各有本分事圓滿十方亘古亘今乃至諸佛也不敢錯  
悞上座謂之頂族只助發上座所以道十方法界諸有情念念  
以證善逝果彼既丈夫我亦爾何得自輕而退屈諸上座不  
要退屈信取便休祖師西來只道見性成佛其餘所說不及  
此說更有箇奇特方便舉似諸人分明記取到諸方莫錯舉  
久立珍重異日上堂僧問不通風處如何過得師曰汝從什麼  
處來僧舉南泉云銅餅是境餅中有水不得動著境與老僧  
將水來鄧隱峯便拈餅瀉水南泉乃依師曰鄧隱峯甚  
奇怪要且亂瀉師接武歸宗十有四載常聚五百餘衆景  
德四年三月十八日上堂辭衆安然而化壽六十有七臘五十二  
全身塔于本山

前廬州長安院延規禪師法嗣

廬州長安院辯實禪師第二世住僧問如何是祖師西來意師曰

枯汰切極也  
甚也

編 歛

少室靈峯住九霄  
潭州雲蓋山海會寺用清禪師河州人也姓趙氏本州出家  
酷志求法遠參長安潛契宗百先住韶州東平山淳化二年  
知潭州張茂宗請居雲蓋第六僧問有一人在萬丈井底如何  
出得師曰且喜得相見曰恁麼即穿雲透月去也師曰三十三  
天事作麼生僧無語問如何是雲蓋境師曰門外三三泉  
井曰如何是境中人師曰童行作去師有頌示眾曰雲蓋鎖  
口訣疑議皆腦裂拍手趁玄空雲露西山月僧問如何是  
雲蓋鎖口訣師曰徧天地曰恁麼即石人點頭露柱拍手  
師曰一餅淨水一鑪香曰此猶是井底蝦蟆師曰勞煩不衆師  
常節食隨眾二時但展鉢而已或逾年月亦不調練服餌  
無妨作務有請必開即便飽食而亡拘執至道二年四月二日  
示疾而逝闍維建塔于本山

行思禪師第十一世

前蘇州長壽院朋彥大師法嗣  
長壽第二世法齊禪師婺州人也姓丁氏始講百法因明二  
論尋置講遊方受心印於廣法大師建隆二年廣法歸寂  
住板住持師使錢仁奉禮重請揚真要有百法座主問會  
公請命四眾雲臻向上宗乘請師舉唱師曰百法明門論  
曰畢竟作麼生師曰一切法無我問城東老母與佛同生為什  
麼却不見佛師曰不見即道曰恁麼即見去也師曰城東老  
母與佛同生師太平興國三年戊寅捨衆就本院創別室  
宴居咸平三年庚子十二月十一日示滅壽八十九臘七十二

景德傳燈錄卷第二十六

*[Faint bleed-through text from the reverse side of the page]*

景德傳燈錄卷第二十七

禪門達者雖不出世有名於時者十人見錄

金陵寶誌禪師

婺州善慧大士

南嶽慧思禪師

天台智顓禪師

泗州僧伽和尚

嵩迴法雲公

天台豐干禪師

天台寒山子

天台拾得

明州布袋和尚

諸方雜舉微拓代別語

寶誌禪師金城人也姓朱氏少出家止道林寺修習禪定宋泰始  
初忽居止無定飲食無時髮長數寸徒既執錫杖頭探之力不  
銅鑑或掛兩尺帛數日不食無飢容時或歌吟詞如識記士庶皆  
共事之齊末明七年武帝謂師感衆收付建康獄既旦人見其  
入市及檢獄如故建康令以事聞帝延於宮中之後堂師在華林園忽百重

著三布帽亦不知於何所得之俄豫章王文惠太子相繼薨武帝  
 尋厭世亦於此李矣由是禁師出入梁高祖即位下詔曰誌公迹拘  
 塵垢神遊冥寂水火不能燒沸蛇虎不能侵懼語其佛理則聲聞以  
 上譚其隱淪則必使高者豈以俗士常情空相拘制何其鄙陋至於  
 此自今勿得復禁帝百問師曰弟子煩惑何以治之師曰十二識者  
 必為十二因緣治惑藥也又問十二之旨師曰旨在書字時節刻漏中  
 識者以為書之在十二時中又問弟子何時得靜心修習師曰安樂禁  
 識者以為修習禁者止也至安樂時乃止耳又問天大乘贊二十四首  
 盛行於世錄十首及師製十二時續編于別卷天監十三年冬將卒忽告衆僧令  
 移寺金剛神像出置于外乃密謂人曰菩薩將去未及旬日無疾而  
 終舉體木質既亡然一燭以付後嗣令人吳慶以事聞帝歎曰大師  
 不復留矣燭者將以後事囑我乎因厚禮葬于鐘山獨龍阜仍立  
 開善精舍敕陸倕製銘於家內王筠勒碑於寺門處傳其遺像

塚

麼作麼

塔

吾初師顯迹之始年可五六十許及終亦不老人莫測其年有徐捷  
 道者年九十三自言是誌外舅氣小誌四年許師亡時蓋年九十七  
 矣救謚妙覺大師  
 善慧木士者婺州義烏縣人也齊建武四年丁丑五月廿降于雙林  
 鄉傳直慈家本名翁果天監十一年十六納劉氏女名妙先生晉建  
 普成子二十四與里人格亭浦掘魚獲已沈籠水中祝曰去者  
 適止者留人或謂之愚會石天竺僧摩度頭禱蓋曰我與汝此婆  
 尸佛所發誓言今覺奉宮衣鉢見在何日當還因命臨水觀其影見大  
 士圓光寶蓋大士笑謂之曰鑪鞴之所夕鉢鐵良醫之門足病人度生為  
 急何思彼樂平當指新山頂曰此可棲矣大士耕而居之乃說一偈  
 曰空手把鋤頭步行騎水牛人從橋上過橋流水不流有人盜菽麥  
 瓜果大士即與籃籠盛去日常備作夜則行道見釋迦金粟定光  
 三如來放光籠其體大士乃曰我得首楞嚴定當捨甲宅設無慮木

會不通二年唱責妻子獲錢五萬以營法會時有慧集法師聞  
法悟解言我師彌勒應身耳大士恐惑衆遂呵之六年正月二十日  
遺弟子傳晔致書于梁高祖書曰雙林樹下當來解脫善慧大  
士白國主救世菩薩今欲條上中下善希能受持其上善略以  
虛懷為本不著為宗亡相為因涅槃為果其中善略以治身為本治  
國為宗天上人間果報安樂其下善略以護養衆生朕發去殺普  
令百姓俱稟六齋今聞皇帝崇法欲伸論義未遂襟懷故遣  
弟子傳晔告白晔投大樂令何昌白慧約國師猶復置啓  
翁是國民又非長老殊不謙卑豈敢呈達晔燒手御路昌乃馳  
往同泰寺詢皓法師皓勸速呈二月平百進書帝覽之遽遣詔  
迎既至帝問從來師事誰邪曰從無所從來無所來師事亦爾  
昭明問大士何不論義曰菩薩所說非長非短非廣非狹非有邊  
非無邊等正理復有何言帝又問何為真諦曰息而不滅帝曰

檮  
陳雷切  
剛木也

若息而不滅此則有色有色故鈍若如是者居士不免流俗曰臨財無  
苟得臨難無苟免帝曰居士大誠禮曰現諸法不有不無帝曰謹受若  
士來肯曰大千世界所有色象莫不歸臣百川叢注不過於海色量  
妙法不出真如來何故於三界九十六道中獨超其最視一切衆  
生有若赤子有若自身天下非道不安非理不樂帝默然大士  
辭退異日帝於壽光殿請大士講金剛經大士登座執柏板唱經  
成平九場木同五年奏捨宅於松山下因雙檮樹而創寺名曰  
雙林其樹連理祥煙周繞有雙鶴棲止太清二年大士誓不食  
取佛生日焚身供養至日白黑六十餘人代不食燒身三百人刺心  
瀝血和香請大士住世大士愍而從之承聖三年復捨家資為衆  
生供養三寶而說偈曰傾捨為羣品奉供天中天仰祈甘露  
雨流澍普無邊陳天嘉二年大士於松山頂燒燒理樹行道感  
七佛相隨釋迦引前維摩接後唯釋尊數顧共語為我補

極者遂彼生時之  
意也說文衣死人

處也其山忽起黃雲盤旋若蓋因號雲黃山時有慧和法師不疾  
而終嵩頭陀於柯山靈巖寺入滅大士懸知曰嵩公親率待我決不  
可久留也時四側華木方當秀實欬然枯悴太建元年己丑四月二  
十四日示衆曰此身甚可厭惡衆苦所集總慎三業精勤六度若  
墜地獄卒難得脫常須懺悔又曰吾去已不得移寢牀七日  
日有法在上人持像及鐘來鎮于此弟子問滅後形體若何  
曰出巖焚之又問不遂何如曰慎勿棺斂但壘壁作壇移屍於上  
彫風扇繞絳紗覆之上建浮圖以徧勒像處其下又問諸佛涅槃  
時皆說功德師之發迹可得聞乎曰我從第四天來為度汝  
等次補釋迦及傳音故文殊慧集觀音何昌阿難回來贊助故  
太品經云有菩薩從兜率來諸根猛利疾與般若相應即吾  
身是也言訖跌坐而終壽七十有三尋獲師果將到鐵成彌勒  
像及九乳鐘留鎮之須臾不見大士道具十餘事見在晉不福九

便

其作十六  
華上龍亭

年甲辰六月十七日錢王遣發塔取靈骨一其片紫金色及道  
具至府城南龍山建華寺宣之仍以靈骨塑其像  
衡嶽慧思禪師武津人也姓李氏頂有肉髻牛行象視少以慈  
恕聞于閭里嘗夢梵僧勸出俗乃辭親入道及稟具常習坐日  
唯食誦法華等經滿十徧又閱妙勝定經歎禪那功德遂發心  
尋友時慧思禪師有徒數百聞禪師始因背手探囊得中觀論發明禪理此論  
即西天第一祖龍樹大士所造乃往受法晝夜操心坐夏經三七日獲宿智通倍加勇猛尋有障  
起中支緩弱不能行步自念曰病從業生業思起心涼起外境何  
狀病業與身都如雲影如是觀已顛倒想滅輕安如故夏滿猶無  
所得深懷慙愧放身倚壁背表至開豁兩開悟法華三昧最上  
乘門今明達研練逾久前觀轉增名行遠聞學侶日至敬勵無倦  
機感寔敏乃以木乘定慧等法隨根引喻俾習慧忍行奉菩薩  
三聚戒衣服服用布寒則加以毳以北齊天保中顯徒南遊值果

考定之亂。擢止木蘇山。輕生重法者。相與冒險而至。填聚山林。師示  
衆曰。道源不遠。性海非遙。但向己求。莫從他覓。即不得。亦  
不真。偈曰。頓悟心源開。寶藏隱顯。靈通現真相。獨行獨坐常。觀  
百億化身無數量。縱令一箇塞滿虛空。看時不見微塵相。可笑物  
兮無比。況口吐明珠。光晃晃。尋常見說不思議。一語標名。言下當又得。  
曰。天不能蓋地。不載無去。無來。無障礙。無長無短。無青黃。不在中間。  
及內外。超羣出衆。太虛玄措。物傳心人。不會其他。隨叩而應。以道俗所  
施造金字。般若法華經。時衆請師講二經。隨文發解。復命門人  
智顛代講。至心具萬行。有疑請決。師曰。汝所疑。乃本四次第。意  
耳。未是法華圓頓旨也。吾昔於夏中。一念頓發。諸法見前。吾既身  
證不勞。致疑。顛即諮受法華行。三七日得悟。大頭即天台教主智者陳光大  
元年。二月二十三日。自木蘇山。將四十餘僧。徑趣南嶽。乃曰。吾寄此山。  
止期十載。已後必事遠遊。吾前身曾履此處。心至衡陽。值一處。

散

林泉勝異。師曰。此古寺也。吾昔曾居。俾掘之。基址猶存。又指巖下曰。  
吾此坐禪。賊斬吾首。尋得枯骸。聚自此化。道彌盛。陳主屢致慰  
勞。供養。自爲大禪師。將欲順世。謂門人曰。若有十人。不憚身命。  
常修法華。般舟念佛三昧。方等懺悔。期于見證者。隨有所須。吾  
自供給。如無此人。吾即遠去矣。時衆以苦行事。難無有蒼者。師乃  
展袈裟。泯然而逝。小師雲。齋號叶師。開目曰。汝是惡魔。吾將行矣。何  
驚動妨亂。吾邪。癡人出去。言訖。長往。時異香滿室。頂暖身。爽顏  
色如常。即本建九年六月二十二日也。壽六十有冠。有著述。皆口授。無  
所刪改。撰四十一字門兩卷。無諍行門一兩卷。釋論玄隨自意。安樂  
行次第禪要。二智觀門等五部。各一卷。並行世。

天台山修禪寺智禪師智顛。荊州華容人。姓陳氏。母徐氏。始娠  
夢香煙五色。縈繞于懷。誕生之日。祥光燭于鄰。自幼有奇相。唐不  
受。七歲入果嶺寺。開僧誦法華經。普門品。即隨念之。忽自憶。

陀羅尼此持持不  
忘得永得無有  
退轉亦能持集  
諸善法能持令  
不散失亦應持思  
不善根能遮不生  
欲作惡罪持令不  
作云云  
法華明三陀羅尼  
一旋一百二十萬  
億旋一三法音  
方便一淨谷疏  
云旋者轉也轉假  
入空得證真諦  
百十萬億一者以空入假旋轉破塵妙惑顯恒沙佛法法音方便云即云方便得入中道

記十卷之文宛如宿習十五禮佛像誓志出家悅喜如夢見大山  
臨海際峯頂有僧招手復接入一伽藍云汝當居此汝當終此十  
八喪二親於果願寺依僧法緒出家二十進具陳天嘉元年諸光  
州大蘇山慧思禪師思見乃謂曰昔靈鷲同聽法華經今復來  
矣即示以普賢道場說四安樂行師入觀三七日身心豁然定慧  
融會宿習皆發唯自明了以所悟白思曰非汝弗證非吾莫識思  
此乃法華三昧前方便初旋陀羅尼也縱今文字之師十萬不能  
窮汝之辯汝可傳燈莫作最後斷佛種人師既承印可太建元  
年禮辭往金陵闡化凡說法不云文字以辯持故畫夜無倦  
七年乙未謝遣徒衆隱天台山佛隴峯有定光禪師先居此  
峯謂弟子曰不久當有善知識願徒至此俄爾師至先曰還憶  
疇昔舉手招引時否師即悟禮像之微悲喜交懷乃執手  
共至庵所其夜聞空中鐘磬之聲師曰是何祥也光曰此是捷雅

猶在門外止宿中卷  
是乘窮子事也名  
者諸經題目也體  
有經中乘相真如  
也宗者從因至果  
本宗言也用者依開  
權顯實之廢權立實  
會三法開示悟入本  
用也教者說教教者  
聖人被下之語也相  
分別同異也

體 證

集僧得往之相比處金地吾已居之北峯銀地汝更居雲開山後  
軍新建修禪寺剏始豐縣相以充衆費及階場帝請師受菩薩  
薩戒師為帝立法名號摠持帝乃號師為智者師遂謂法華常  
為一乘妙典蕩化城之執教釋草庵之滯情開方便之權門示  
真實之妙理會衆善之小行歸廣大之上乘遂出玄義曰釋名  
體明宗論用判教相之五重也名則法喻齊舉證一乘妙法即衆  
生本性在無明煩惱不為所染如蓮華處于淤泥而體常淨故  
以為名此經開權顯實廢權立實會權歸實如蓮之華有合  
容開落之義華之蓮有隱現成實之義亦謂從本垂迹因  
迹顯本夫經題不越法喻人單複具足及七種三具足攝一切名妙  
法蓮華即複之也法譬名各以召體即實相一切相離實相色體  
故宗則一乘因果開示悟入佛之知見可尊而故用則力  
用以開廢會之義有其力故然後判教相者以如來一代之說



化儀 如世藥衣

化去如辨藥味

四正 四教也正無邪也通別

三二即方便

隨緣止禪那即息二

又準因覺經者

以寂靜為相三提

以幻化為相禪那俱離

抱判為五時八教五時者一佛初成道為上根菩薩說華嚴時  
二為小機說阿含時三彈偏折小教大喪圓說亦等時四法相  
遺執說般若時五會權歸實授三乘人及功眾生成佛記說  
法華涅槃時八教者謂化儀四教即頓漸秘密不定也化法四  
教即藏通生無別量圓也  
聲彈其致廣如本教捨此皆廢說故教理既明非觀行無以  
復住乃依三諦之理中真俗示三止三觀工觀心念不可得  
先空次假後中離二邊而觀正如雲外之解者此乃別教之行  
相也昔云破一切惑莫盛乎空建一法莫盛乎假究竟一切性  
莫天子中故中而中無假無空而不中亦假亦爾即圓教之  
行相如摩醯首羅天之三目非縱橫並別故  
為假若示若中道義斯與楞嚴圓覺經說者摩他三摩鉢底禪那三觀名相雖殊其致一也達磨  
大師總傳心不滯名數直為上根智伴將登忘意故與此教同而不同看者禪師窮理盡  
性備足之門故與  
三觀圓成法身不素即免同貧子也尚慮學子者

外凡三賢位聞思

慧也三賢位者

一五停心二別想念三

揆想念處

通教十地乾慧地信也

內凡四善根位修慧也

四善根者煇善根二頂

善根三忍善根四也

第法性十位十行

十回向

三心見道二修道三

無學道

正法即三軌也一真性軌

二觀照三資成

昧於修性或隨偏執故復創示即之義以絕斯患一理即佛者  
十法界眾生下至蟻蚋同稟妙性從本以來常住清淨覺體  
圓滿下理齊平故執者相者不信即心  
流者自用不知必假言教外董得聞者字生信發解故  
以有妄想心故能知發義  
三觀行即佛者既聞名開解要假前之三觀而  
自此已下簡暗證者  
返源故大師示居此位別教十信及藏通教皆名資糧位  
四相似即佛者觀行功采  
發相似用故內凡四圓伏無明入十信鐵輪位不新見思盡至七信以去見思惑自須得六根清淨如  
皆名加行位楞嚴經唯識論三心後別立四  
五分真即佛者三心開發得真如用  
行行各位雖同詮旨均異惟通悟者善巧融會  
六究竟即佛者無明永盡覺心圓極證  
其所證故  
名取滅上忍也別教權佛對圓  
如上一示位既佛即佛  
不證  
通具法報化三身  
行第二位耳藏道二教佛可知  
為正  
道識性般若菩提大乘身涅槃三寶德三法  
隨居四土為  
四土者常寂  
光  
居之身相補  
二寶報  
無障礙  
居他受用上登地菩薩所居  
三方便有餘四淨

一第卷檀

二第个三對治

一第第一義

世界歡喜益者

人生之善益對

治一破惡益第

一義一入理益

振同宿並為應化土地地前其實則非身非土無優劣為對機故假

認身去而分優劣師得身土互融權實色一礙故二十餘年畫

夜宣演生四種益具中老檀老編也檀翻各宛禪師之法編施有情隨門人灌

頂日記萬言而編結之終自為天台故別即分諸部類法華云

一月十七日帝遣使詔師將行乃告門人曰吾今往而不返汝等當

成就佛龍南寺一依我圖侍者曰若此師力豈能成辨師

曰乃是王家所辦汝等見之吾不見也師初欲建寺於石橋禪寂見三神人異體

寺百尺石像前不進至二十四日顧侍者曰觀音來迎不久應

去時門人智朗請曰不審何位何生師曰吾不領衆必淨六

根捐絕利他獲預五品耳吾品弟子而法華三昧前命筆作觀心偈

唱諸法門綱要訖跏坐而逝壽六十臘四十弟子等迎歸

其時三國成山遠者六九施其與師後寺成國即清直就為國清師二十日到剡東石城

佛龍巖大業元年九月煬帝巡幸淮海遣使迎弟子智操

及題寺額入山赴師忌齋到日集僧開石室唯觀空攝時會中

千僧至忽斬入咸謂師化身來受國供師姓受禪教終乎

咸度帝披一壞初冬夏不釋來往居天台山二十二年建造大

道場十二所國情最居其後及荊州玉泉寺等共三十六

所度僧萬五千人寫經十五藏造金銅塑畫像八十萬尊事

迹甚多廣如本傳

泗州僧伽本師者世謂觀音大士應化也推本則過去阿僧祇劫

伽沙劫值觀世音如來從三慧門而入道以音聲為佛事但以

此土有緣之衆乃謂大師自中國來唐高宗時至長安洛陽

行化歷吳楚間手執楊枝泥于緇流或問師何姓即答曰我

姓何又問師是何國人師曰我何國人尋於一微穽伽蓋因

宿州民質跋氏捨所居師曰此本為佛宇今掘地果得古碑

云香積寺即齊李龍建所創又獲金像衆譚然燈如來師  
曰番光王佛也因以為寺額景龍二年中宗遣使迎大師至  
輦轎深加禮異命住大薦福寺帝及百官咸稱弟子與度慧  
儼慧岸木又三人御書寺額三年三月言大師示滅救  
令就薦福寺漆身起塔忽臭氣滿城帝視送師歸臨淮  
言訖異香騰殿帝問高迴曰僧伽本師是何人邪曰觀音化  
身耳乾符中謚證聖大師

皇朝太平興國中

本東皇帝重創浮圖壯麗超絕

高迴法雲公者魏州閭鄉人也姓張氏唐貞觀六年五月五日  
生始在弱齡嘯傲如狂鄉童莫測百合家灑掃云有勝客  
來是日三藏玄奘自西國還訪之公問印度風境了知所見奘  
作禮圍繞稱是菩薩有兄萬年久征遼左母程氏思其音

名作明

氣

信公曰此甚易爾乃告母而往至暮而還及持到書鄰里驚  
異右龍興寺沙門大明妙而相押公來往明師之室屬有正諫  
大夫名崇儼夜過寺見公左右神兵侍衛崇儼駭之詰且言與  
明師復厚施金繒作禮而去咸亨四年高宗召入內侍有扶風  
僧蒙頊者甚多靈迹先在內每曰回來及公至又曰替到  
當去迫旬日而頊卒景雲二年辛亥十二月八日師卒于長安  
醴泉里壽八十時異香氣氤氳舉乘輅制贈司徒魏國公衆  
事官給三年正月十五日受于京西香積寺  
天台豐干禪師者不知何許人也居天台石梁清寺剪髮齊眉衣  
布裘人或問佛理止荅隨時二字嘗誦吟道歌乘虎入松門衆  
僧驚畏本寺厨中有二若行曰寒山子拾得二人執爨終日悟語  
潛聽者都不體解時謂風狂子獨與師相親百寒山問  
古鏡不磨如何照燭師曰水盡無影像後探水月曰此

是不照燭也。更請師道。師曰：萬德不將來，教我直作。寒拾俱禮拜。師尋獨入五臺山。禮逢一老翁。師問：莫是文殊否？曰：豈可有二文殊？師作禮未起，忽然不見。趙州沙弥舉似和尙。趙州代後，迴天台。山示滅。初聞丘公亂出牧，舟兵將議中車，忽思頭疾，醫莫能愈。師造之曰：貧道自天台來，渴使君問丘旦告之。病師乃索淨器，呪水噴之，斯須立瘥。問丘異之，乞一言示。此去安老之兆。師曰：到任記。謂文殊普賢曰：此二菩薩何在？師曰：國清寺執爨洗器者，寒山拾得是也。問丘拜辭，乃行。尋至山寺，問此寺有豐干禪師否。寒山拾得復是何人？時有僧道翹對曰：豐干舊院在經藏後，今闕無久矣。寒拾元見在僧厨執爨，聞止入師房，唯見虎迹。復問道翹：豐干在此作何行業？翹曰：唯事春穀供僧，閑則諷誦，乃入厨尋訪。寒拾如下章敘之。

天台寒山子者，本無氏族。始豐縣西七十里，有寒明二巖，以其於寒巖中居，止得為也。容貌枯悴，布襦零落，以棒皮為冠。斲木為屐。時來國清寺，就拾得取象僧，殘食菜滓，食之。或廊下徐行，或時叫噪，望空慢罵。寺僧以杖逼逐，翻身拊掌大笑而去。雖出言如狂，而有意趣。百豐干告之曰：汝與我遊五臺，至即我同流。若不與我去，非我同流。曰：我不去。豐干曰：汝不是我同流。寒山却問：汝去五臺作什麼？豐干曰：我去禮文殊。曰：汝不是我同流。寒山曰：豐干減後，問丘公山訪之，見寒拾，云：團鑪語笑，問丘不覺致拜。二人連聲出叱。寺僧愕曰：木官何拜風狂？漢邪？寒山復執同丘手，笑而言曰：豐干饒於久而放之，則此寒拾相攜出松門，更不復入寺。問丘又至寒巖禮謁，送衣服藥物。二士高聲喝之曰：賊便縮身入巖石縫中。唯曰：報汝諸人各各努力。加其石縫，忽然而合。問丘哀慕，令僧道翹尋其

遺物於林間得棄上所書辭頌及題村野人家屋壁三百  
 餘首傳布人間曹山本寂禪師注釋謂之對寒山子法  
 天台拾得者不三石氏因豐干禪師山中經行至赤城道側聞  
 見啼聲遂尋之見子可數歲初謂牧牛子及問之云孤棄  
 干此豐干乃名爲拾得攜至國清寺住典座僧曰或人來  
 認必可還之後沙門靈燭授受令知食堂香燈忽百轉爾登  
 座與佛像對盤而餐復於橋陳如上座塑形前呼曰卜果  
 聲聞僧驅之靈燭忿然告尊宿等罷其所主舍厨內雜器  
 常由齋畢澄澆食滓以筒盛之寒山來即負之而去日掃  
 地寺主問汝名拾得豐干拾得汝歸汝畢竟姓个什麼在  
 何處住拾得放下掃帚叉手而立寺主圓測寒山掘背云蒼天  
 蒼天拾得却問汝作什麼曰豈不見道東家死人西家助哀  
 二人作舞哭笑而出有護伽藍神廟每日僧厨下食爲鳥所

有作食

看拾得以杖扶之曰汝食不能護安能護伽藍乎此久神附夢  
 千合寺僧曰拾得打我詰且諸僧說要符向寺紛然謀申州  
 縣郡符至云賢士隱道菩薩應身宜用在之孰拾得爲賢士  
 隱石而逝時道勸募銀寒山文句以拾得偈附之今略錄數篇  
 見寒山章

見別卷

備布何及  
正步何切  
老人白也

明州奉化縣布袋和尚者未詳氏族自稱名契此形貌顴鼻  
 臉頰廣頤頤腹出語無定寢臥隨處常以杖荷布囊凡供  
 身之具盡貯囊中入鄞肆聚落見物則乞或醃醢魚菹才接  
 入口分少許投囊中時號長汀子布袋師也嘗雪中取雪不化  
 身人以此奇之或就人乞其貨則售示人吉凶必應期無忒天將  
 雨即著濕草履途中驟行遇元陽即曳高齒木屐市橋上堅  
 勝而眠居民以此驗知有一僧在師前行師乃拈僧背下僧  
 迴頭師曰乞我一文錢曰道得即與汝一文師放下布囊叉手而

立白鹿和尚問如何是布袋師便放下布袋又問如何是布袋下事師負之而去先保福和尚問如何是佛之本意師放下布袋又手保福曰為只如此為更有向上事師負之而去師在街衢立有僧問和尚在處裏作什麼師曰等箇人曰來也來也歸宗柔和師曰汝不是處個人曰如何是處個人師曰乞我一天錢師有款曰只箇心是佛十方世界最靈物縱橫妙用可憐生一切不知心真實騰之自在無所為究竟出家見若觀目前真大道不見纖毫也本奇萬法何殊心何異何勞更用尋經義心王本自絕多知智者只明無學地非聖非凡復若乎不疆分別聖情孤無價心珠本圓淨凡是異相妄空呼人能強道分明無量清高稱道情攜錫若登故國路莫愁諸處不聞聲又有偈曰鉢千家飯孤身萬里遊春且觀人少問路白雲頭梁貞明二年丙子三月師將示滅於

嶽林寺東廊下端坐磐石而說偈曰彌勒真彌勒分身千百億時示時人時人自不識偈畢安然而化其後他州有人見師亦負布袋而行於是四衆競圖其像今嶽林寺大殿東堂全身見存

諸方雜舉徵指代別語

障蔽魔王領諸眷屬一千年隨金剛齊菩薩覺起處不得忽因自得見乃問云當於何住我下千年領諸眷屬覺汝起處不得金剛齊云我不祇有住而住不依無住而住如是而住法眼舉云障蔽魔王不見金剛齊即且從之知金剛齊隱見障蔽魔王

外道問佛云不問有言不問無言世尊良久外道禮拜云善哉

世尊大慈大悲開我迷雲令我得入外道去已阿難問佛云外道以何所證而言得入佛云知世間良馬見鞭影而行云覺微行

是世尊舉觀處云居錫云要會麼如今歸堂去復是何誰東祥齊托云什麼處是外道侍處象中道世尊良久時便是舉鞭處恁麼會得已否

緊那羅王奏色生樂供養世尊王教有情無情便隨王去若  
有物不隨王即去佛處不得又色賦足王入木寂定不得  
有情皆順於王如有物不順王即入木寂定不得

爾實國主秉劍詣師子尊者前問曰師得蘊空否師曰已  
得蘊空曰既得蘊空離生死否師曰已離生死曰既離生死  
就師乞頭還得否師曰身非我有豈況於頭王便斬之出白  
乳王臂自盡

泗州塔頭侍者及時鏤門有人問既是三界大師為什麼被  
弟子鏤侍者無對  
或問僧承聞大德講得肇論是是否曰不敢曰肇有物不遷  
義是是曰是或人遂以茶盃就地撲破曰遮箇是遷不遷無

處

對 法眼代料 掌三下

樂音侍者謂和尚曰肇法師制得四論甚奇怪樂音曰肇  
公甚奇怪要且不見祖師侍者無對

有雨僧各住庵尋常來往偶旬日不會面上山相見上庵主  
問曰多時不見在什麼下庵主曰只在庵裏造箇無縫塔子  
上庵主曰某甲也欲造箇無縫塔就庵主借取搯子曰何不  
早道恰被人借去也

有婆子令人送錢去請老宿開藏經老宿受施利便下禪牀  
轉下西乃云傳語婆子轉藏經也其人回舉似婆子婆云  
北來諸開全藏為甚開半藏  
有老宿令人傳語思大禪師何不下山教化衆生目現雲漢作  
麼思大曰三世諸佛被我五舌盡更有甚衆生可教化

且道是山頭  
語下語

龍濟修山主問翠巖曰四乾闥婆王奏樂供養世尊直得  
須彌振動大海勝波如葉起舞菩薩得忍不動聲聞頌我  
只如如葉作舞意如何對曰如葉過去生中曾作樂人  
來習氣未斷山主曰須彌大海莫是習氣未斷否翠巖無對

法眼代云  
正是習氣

頌我  
正什取身  
耳搖頭貌

有僧親住老宿下夏不蒙言誨僧歎曰只怎麼空過夏不聞  
佛法得聞正母兩字亦得也老宿聞之乃曰聞梨莫嚙西連  
若論正因二字也無怎麼直了呼麼三下曰適來無端怎麼道  
鄰房僧問曰好下錢美被兩顆鼠糞汚却其有覺微云且道讚歎語不  
鼠糞汚却若不實他  
有什麼過驗得麼却  
僧拳法師遭秦主難臨就刑詔偈曰四大元無主五陰本來  
空將頭臨白刃猶似斬春風系少云大上拳法  
師臨死猶寢語

僧問老宿云師子捉兔亦全其力捉象亦全其力未審全箇什  
麼力老宿云不數之力法眼別云不  
會在人語

李翱尚書見老宿獨坐問曰端居文室當何所務老宿曰法  
身疑氣無去無來法眼別云汝作什麼來  
法燈別云非公境界

有道流在佛殿前背坐僧曰道士莫背佛道流曰不德本教  
中道佛身充滿於法界向什麼處坐得僧無對法眼代云  
識得汝

禪月詩云禪客相逢只彈指此心能有幾人知歸宗乘代云  
能有人知  
問禪月如何是此心無對歸宗乘代云  
能有人知  
台州六通院僧被度所有人問既是示通為什麼被所無對

天台詔國師代  
云不

聖僧像被屋漏滴有人問既是聖僧為什麼有漏天台國師代云  
無漏不是聖僧  
死魚浮於水上有人問僧魚豈不是以水為命僧曰是曰為  
什麼却向水中死無對杭州天龍機和尚代云是  
伊為什麼不去岸上死





昔有二僧雲遊擬謂徑山和尚過一婆子時方收稻次一僧  
問曰徑山路何處去婆曰暮直去僧曰前頭水深過得否曰不  
脚僧又問上岸稻得恁麼好下岸稻得恁麼佳曰下岸稻也  
被螞蟻喫却也僧曰太香生曰勿氣息僧又問婆住在什麼處  
曰只在遠裏三僧乃入店內婆煎茶一餅將盞三五箇安盤  
上謂曰和尚有神道者即喫茶三人無對又不收傾茶婆曰  
看老朽自逞神通也於是便拓盞子傾茶行  
法眼和尚謂小兒曰因子識得你父耶你父耶若什麼無對法眼代  
法眼和尚却問一僧若是孝順之子合下得轉語且道合下得  
什麼語無對法眼自代云他  
僧問講彌陀經坐主水鳥樹林昏恙令佛念法念僧作麼  
生講坐主曰基法師道真女不待請知母起嬰兒僧曰知  
何是真女不待請法眼代云此是基法師語

泉州王延彬入招慶院見方丈門前問演侍者有人敢道太  
師在否演曰有人敢道大師不在法眼別云太  
僧舉佛說法有一女人忽來問訊便於佛前入定時文殊近前  
彈指出此女人定不得又托昇梵天亦出不得佛曰假使百千  
文殊亦出此女人定不得下方有網明菩薩能出此定須臾  
網明便至問訊佛了去女人前彈指一聲女人便從定而起五雲  
云不准文殊不能出此定如來但  
也出此定不得只知教意生體解  
誌公云每日拈香擇火不知身是道場玄沙云每日拈香擇  
火不知真箇道場玄覺微云只知此二尊  
雲巖院主遊石室迴雲巖問汝去入到石室裏許看為只恁  
麼便回來虎王洞山代云彼中已有人白了也雲巖曰汝更去  
作什麼洞山曰不可人情斷絕去也  
監官會下有一主事僧將死鬼使來取僧告曰某甲身為主

事未暇修行乞容七日得否使曰待後白王若許即七日後來  
不然須臾便至言訖去至七日後方來覓其僧不見後有人  
舉問一僧若來時如何拈機他洞山代云被  
洞山會下有老宿去雲巖迴洞山問以雲巖作什麼答云  
不會洞山自代

臨濟見僧來舉起拂子僧禮拜師便打別僧來師舉拂  
子僧並不顧師亦打一僧來參師舉拂子僧曰謝和尚見示  
師亦打雲洞代云只疑老漢大覺云  
鬪王送玄沙和尚上船玄沙扣船召曰大王爭能出得塵裏去  
王曰在裏許得多少時也歸宗柔別云不因  
僧問老宿如何是禪室中人老宿曰有容不答語歸宗柔別老宿  
云你因計

法眼和尚問講百法論僧百法是體用雙陳明門是能所

兼舉座主是能法座是所作廢生該兼舉  
僧舉教云文殊忽起佛見法見被佛威神擗向二鐵圍山五雲

洪州本寧院上狀請第二座開堂人問何不請第一座法眼代云  
洞山行脚時會一僧人曰三祖信心銘弟子擬注洞山曰才有

是非紛然夫心作廢生注法眼代云徒廢  
法眼和尚因患脚僧問訊次師曰非人來時不能動及至

不肯自別云和尚  
九峯和尚入江西城人問入鄜教化以何為眼九峯曰日日不

僧問龍牙終日區區如何頓息龍牙曰如孝子喪却父母始  
得東禪齊云象中道知喪父母何有閉收修廢會

僧問龍牙十二時中如何著力龍牙曰知色手人欲行奉始得

東禪齊云好言語且作麼生會得此僧他值色手人何更行得奉也及問伊佛法印便休去將知路布說得無用處不知子細體取古人意好

鼓山曰欲知此事如石劍僧問學人是死屍如何是劍鼓山曰

拽出處死屍著僧應諾便歸僧堂結束而去鼓山晚問聞

去乃曰好與拄杖東禪齊云應僧若不肯取出有什處過若肯何得便鼓

有庵主見僧來登火筒曰會麼曰不會庵主曰三十年用不

盡底僧却問三十年前用箇什麼云也要知

招慶和尚拈鉢囊問僧你道直幾錢歸宗柔代云

雲門和尚以手入木獅子口曰咬殺我也相救歸宗柔代云和

有座主念彌陀名號次小師喚和尚及回顧小師不對如是數

四和尚叱曰三度四度喚有什麼事小師曰和尚幾年喚他即

得其甲村喚便發業法燈代

鷄子趁鷄子飛向佛殿椽干上顛有人問僧一切衆生在佛影

中常安常樂鷄子見佛爲什麼法燈代

悟空禪師問患座主講什麼經曰法華經悟空曰若有說法

華經處我現寶塔當爲證明太德講什麼人證明法燈代云謝

僧問老宿覓分歸去料食我家園甚如何是家園甚云覺代

不得法燈列

官人問僧名什麼曰無揀官人曰忽然將一梳沙與上座又作

麼生曰謝官人供養法眼別云此

廣南有僧住庵國主出獵人報庵主大王來請起曰惟但大

王來佛來亦不起王問佛豈不是汝師曰是王曰見師爲什

麼不起法眼代云

僧辭趙州和尚趙州謂曰有佛處不得住無佛處急走過

三千里外逢人莫舉法眼代云

泗州塔前一僧禮拜有人問上座日之禮拜還見大聖麼法眼代

禮拜是  
什麼義

僧問圓通和尚。一塵才起。大地全收。還見禪牀麼。圓通曰。喚什

麼。作麼。又問。法燈曰。喚什麼。作禪牀。東禪齊云。此二尊宿。語明。伊問處。不明。伊

看。忽然而。何。直。你。指。不。我。更。要。答。語。又。作。麼。生。會。莫。道。又。卷。轉。子。

玄覺和尚問鳩子。叫問僧。什麼聲。僧曰。鳩子。師曰。欲得不

招。魚。問。業。莫。誦。如。來。正。法。輪。東禪齊云。上座。道。是。鳩。子。聲。便。成。謗。法。什。麼。處。是。謗。

保福僧到地藏。地藏和尚問。彼中佛法如何。曰。保福有時。示衆

道。塞却你眼。教你覷不見。塞却你耳。教你聽不聞。坐却你意。教

你分別不得。地藏曰。吾問你。不塞你眼。見箇什麼。不塞你耳。聞

箇什麼。不坐你意。作麼生分別。東禪齊云。那僧問了。忽然。惺。去。更。不。他。後。上。座。如。今。還。得。麼。若。不。會。每。日。見。箇。什。麼。

福州洪塘橋上有僧列坐。官人問。此中還有佛麼。法照代云。女

人問僧。無為無事。人為什麼。却有金鎖難。五雲代云。只

老宿問僧。什麼處來。曰。牛頭山禮拜祖師。來老宿曰。還見祖師

麼。歸宗柔代云。大。以。不。相。信。

有僧與童子。上經了。令持經。著函內。童子曰。某甲念底。著向

那裏。法燈代云。汝。念。什。麼。經。

下僧注道德經。人問曰。久嚮道德。注道德經。僧曰。不敢曰。何如

明皇。法燈代云。是。并。子。


雲門和尚問僧。什麼處來。曰。江西來。雲門曰。江西隊老宿

寐語住也。未僧無對。五雲代云。與。猶。未。已。後有僧問。法眼和尚。不知雲門

意。作麼生。法眼曰。木小雲門。被遮僧。勘破。五雲代云。什。麼。處。是。勘。破。雲。門。處。要。

因開井。被沙塞却。泉眼。法眼問僧。泉眼不通。被沙塞。道眼

不通。被什麼物。礙僧無對。師代云。被。眼。礙。



Faint, mostly illegible vertical text columns in archaic Chinese characters, possibly bleed-through from the reverse side of the page.

延祐丙辰重刊于湖  
列道場山禪菴之菴

